

十七

成公 自元年至十三年

春秋左傳

共三十二

漢書門類			
四	二	七	六
號	函	架	冊
三	二	七	五
冊	架	函	冊

內閣文庫			
四	二	七	六
號	函	架	冊
三	二	七	五
冊	架	函	冊

內閣文庫	
番號	漢 4276
冊數	32 (15)
函號	275 35



春秋四家五傳平文卷二十三

仁和張岐然秀初手輯

錢塘吳漢翊舉遠叅閱

成公一

公名黑肱宣公子母穆姜夫人齊姜在位一十八年謚法安民立政曰成

周

定王十七年魯成公五年定王崩子簡王立

鄭

襄公十五年魯成公四年襄公卒悼公費立成六年悼公卒弟成公踰立

齊

頃公九年魯成公九年頃公卒子靈公環立

宋

文公二十一年魯成公二年文公卒子共公固立成十五年共公卒子平公成立

晉

景公繼霸十年時卻克為政魯成公四年欒書為政成十年景公有疾晉人立太子州蒲以為

春秋左傳卷二十三 成公

春秋五傳卷二十三 元年

君伐鄭是為厲公是年景公卒成十八

年厲公弒悼公周立是年韓厥為政

穆公十年魯成公二年穆公卒子定公

臧立成十四年定公卒子獻公衍立

蔡景公二年

曹宣公五年魯成公十三年

宣公卒弟成公負芻立

滕文公十年魯成公十六

年文公卒成公原立

陳成公九年

杞桓公四十七年

薛詳見僖公元年

莒魯成公十四年莒子朱卒一名渠丘公黎比公密州立又名買朱鉏

莊公二十四年魯成公十

七年定公卒宣公徑立

許靈公二年魯成公十五年許遷于葉

小邾詳見僖公元年

楚共王元年魯成公二年載令尹子重救齊成十六年司馬子反將中軍子重將左戰于鄢陵敗績晉射共王中目楚殺子反

秦桓公十五年魯成公十四年桓公卒子景公立

吳魯成公七年吳伐郟始見經即吳子壽夢也壽夢一名

越詳見隱公元年

定王十年魯成公十五年

七年鄭襄十五年曹宣五年陳成九年

晉景十年齊頃九年衛穆十年蔡景

九年

成公

春秋五傳

卷二十三

元年

年〔祀〕桓四十七年〔宋〕文二十一年〔秦〕桓十五年〔楚〕共王審元年

春王正月公即位

二月辛酉葬我君宣公

無冰

〔杜〕周二月今之十二月而無冰書冬溫〔何〕周正月夏十一月尚書曰舒恒燠若易京房傳

曰當寒而溫例賞也是時成公幼少季孫行父專權而委任之所致○舒恒如字尚書作豫燠

本又作與於六反

穀梁終時無冰則志此未終時而言無冰何也

言終寒時無冰當志之耳今方建丑之月是寒時未終終無冰矣加之寒

之辭也周二月建丑之月夏之十二月也此月既是常寒之月于寒之中又如加甚常

年過此無冰終無復冰矣

〔胡傳〕寒極而無冰者常燠也按洪範傳曰豫恒

燠若此政事舒緩紀綱縱弛之象成公幼弱政

在三家公室不張其象已見故當涸陰沍寒而

常燠應之古者日在北陸而藏冰獻羔而啓朝

之祿位賓食喪祭冰皆與焉此亦變調愆伏之

一事也今既寒而燠遂廢凌人之職然策書所

載皆經邦大訓人有微而不登其姓名事有小

而不記其本末雨雹冰雪何以悉書天人一理

也。萬物一氣也。觀于陰陽寒暑之變，以察其消
息盈虛。此制治于未亂，慎于微之意也。每慎于
微，然後王事備矣。

左傳附錄 春，晉侯使瑕嘉平戎于王。年文十七

役詹嘉處瑕故謂之瑕嘉。○郊音審。單襄公如晉拜成。單襄公王卿士謝晉

為平戎。○單音善。為于偽反。劉康公徼戎，將遂伐之。康公王季子也。

戎平還欲要其無備。○徼古堯反。叔服曰：背盟而欺大國，此必

敗。叔服周內史。○背音佩。下同。背盟不祥，欺大國不義。神人

弗助，將何以勝？不聽。遂伐茅戎。三月癸未，敗績。

于徐吾氏。徐吾氏茅戎之別也。

三月作丘甲。杜周禮九夫為井，四井為邑。四邑為丘。為甸，甸六十四井，出長轂一乘。戎馬四匹，牛十二頭，甲士三人，步卒七十二人。此甸所賦。今

魯使丘出之，譏重斂，故書。○甸繩證反。斂力驗反。

左傳 為齊難，故作丘甲。前年魯乞師于楚，欲以伐齊，楚師不出，故懼而

作丘甲。○難乃且反。下同。

公羊 何以書譏？何譏爾？譏始丘使也。四邑為丘

甲，鎧也。譏始使丘民作鎧也。古者有四民：一曰德，能居位曰士；二曰辟土殖穀曰農；三曰巧心

勞，手以成器物曰工；四曰通財，粥貨曰商。四民不相兼，然後財用足。月者重錄之。○鎧，苦代反。

辟婢亦反 粥羊六反

穀梁作爲也。丘爲甲也。使一丘之民皆作甲丘甲。國之事

也。丘作甲。非正也。丘作甲之爲非正。何也。古者

立國家。百官具。農工皆有職以事上。古者有四

民。有士民。學習道有商民。通四方之貨者有農民。播殖

者。有工民。巧心勞手以成器物者夫甲非人人之所能爲

也。各有業也丘作甲。非正也。夫音符

胡傳作丘甲。益兵也。古者九夫爲井。四井爲邑。

四邑爲丘。四丘爲甸。甸地方八里。旁加一里爲

成。所取于民者。出長轂一乘。此司馬法一成之

賦也。爲齊難作丘甲。益兵備敵。重困農民。非爲

國之道。其曰作者。不宜作也。唐太宗問李靖。楚

廣與周制如何。靖曰。周制一乘。步卒七十二人。

甲士三人。以二十五人爲一甲。凡三甲。共七十

五人。然則一丘所出十有八人。積四丘而具一

乘耳。今作丘甲者。卽丘出一甲。是一甸之中。共

百人爲兵矣。則未知其所作者。三甸而增一乘

乎。每乘而增一甲乎。魯至昭公時。嘗蒐于紅。革

車千乘。則計甸而增乘。未可知也。楚人二廣之法。一乘至用百有五十人。則魯每乘而增一甲。亦未可知也。賦雖不同。其實皆為益兵。其數皆增三之一耳。先儒或言甲非人人之所能為。又以為丘出甸賦加四倍者。誤矣。廣古曠反並同

夏滅孫許及晉侯盟于赤棘

杜赤棘晉地何時者謀結鞏之戰不相負

也後為晉所執不日者執在三

年外尋舊盟後非此盟所能保

左傳聞齊將出楚師夏盟于赤棘與晉盟懼齊楚

胡傳初宣公謀以晉人去三桓歸父為是見逐

而奔齊矣。今季孫當國。恨齊人之立宣公。納歸父。又懼晉侯之或見討也。故往結此盟。赤棘。晉地也。其稱及魯。所欲也。盟非春秋所貴。而惡屢盟者。非惟長亂。亦國用民力所難給也。成公即位之初。方經大故。未有施舍已責。逮鰥寡。救乏困之事也。為齊難。既作丘甲矣。聞將出楚師。又遠與晉尋盟。豈固本保邦之道乎。書及晉侯盟于赤棘。非特備齊懼晉。蓋三桓懷忿。懟君父之心。將有事于齊。而汲汲欲之者。罪可見矣。

秋王師敗績于茅戎

公穀作賀戎杜茅戎戎別種不言戰王者至尊天下莫之

得校故以自敗為文不書敗地而書茅戎明為茅戎所敗書秋從告○茅亡交反范賀戎地

左傳秋王人來告敗解經所以秋乃書

公羊孰敗之蓋晉敗之以晉比侵柳圍郊知或王師討晉而敗之

曰賀戎敗之戎故然則曷為不言晉敗之據

柳圍郊言晉王者無敵莫敢當也正其義使若王自敵敗之也不日月者深正之使若不戰

穀梁不言戰莫之敢敵也為尊者諱敵不諱敗諱敵使莫二也不諱敗容有過否○為于偽反

為親者諱敗不諱敵諱敵諱敵使莫二也不諱敗容有過否○為于偽反

為親者諱敗不諱敵諱敵諱敵使莫二也不諱敗容有過否○為于偽反

惜其毀折也不諱敵諸侯有列國尊尊親親之義也尊則無敵尊則無敵

尊謂王然則孰敗之晉也親謂魯親謂魯

胡傳程氏曰王師于諸侯不言敗諸侯不可敵

王也于夷狄不言戰夷狄不能抗王也不可敵

不能抗者理也其敵其抗王道之失也桓王伐

鄭兵敗身傷而經不書敗存君臣之義立天下

之防也劉康公邀戎伐之敗績于徐吾氏而經

不書戰辨華夷之分立中國之防也是皆聖人

筆削非魯史之舊文也然筆于經者雖以尊君

父外戎狄為義而君父所以尊戎狄所以服則
有道矣桓王不以討賊興師而急于伐鄭康公
不以惇信持國而輕于邀戎是失其所以君天
下禦四夷之道也書敗績于茅戎者言自敗也
其自反亦至矣

冬十月

穀梁季孫行父禿晉卻克眡衛孫良夫跛曹公
子手僂同時而聘于齊齊使禿者御禿者使眡
者御眡者使跛者御跛者使僂者御僂者御音

迎也○禿他木反眡亡小
反跛波可反僂于矩反蕭同姪子處臺上而

笑之蕭國也同姓也姪子字也其母更嫁齊惠
公生頃公宣十二年楚人滅蕭故隨其母

齊在聞于客客不說而去相與立胥閭而語移日

不解胥閭門名○說
音悅解古買反齊人有知之者曰齊之患

必自此始矣穀梁子作傳皆釋經以言義未有
無其文而橫發傳者甯疑經冬十

月下云季孫行父如齊
臆六字○橫華孟反

左傳附錄冬臧宣叔令修賦繕完治完城郭○
繕市戰反完

和端具守備曰齊楚結好我新與晉盟晉楚爭

盟齊師必至雖晉人伐齊楚必救之是齊楚同

我也。同共也。○守手又反。知難而有備，乃可以逞。逞，解也。為二年。

齊侯伐我傳。○解音蟹。

國語附錄 范文子莫退于朝。武子曰：何莫也？對

曰：有秦客庾辭于朝。莫古暮字，庾所留切。庾隱也。謂以隱伏譎詭之言聞

于朝也。大夫莫之能對也。吾知三焉。解其也。武子怒

曰：大夫非不能也，讓父兄也。父兄長也。爾童子何

知而三掩人于朝？掩，蓋也。吾不在，晉國亡無日矣。

擊之以杖，折委筭。委，委貌。冠也。筭，簪也。

定王十二年。晉景十一年。齊頃十一年。衛穆十一年。卒。蔡景八年。鄭成十六。曹宣六。陳成十。杞桓四。

秦桓十六。楚共二。

春齊侯伐我北鄙。

左傳 二年春，齊侯伐我北鄙，圍龍。龍，魯邑，在泰山博縣西南。

頃公之嬖人盧蒲就魁門焉。攻龍也。龍人囚之。齊

侯曰：勿殺，吾與而盟，無入而封。封，竟也。弗聽，殺而膊

諸城上。膊，磔也。○膊，普各反。磔，陟百反。齊侯親鼓，士陵城。三日

取龍，遂南侵，及巢丘。取龍，侵巢丘不書其義未聞。

胡傳 初，魯事齊謹甚，雖易世而聘會不絕也。及

與晉侯盟于斷道，而後怨隙成，再盟于赤棘，而

後伐吾北鄙。齊侯之興是役，非義矣。魯人為鞏之戰，豈義乎？同日憤兵，務相報復，而彼此皆無善者，則亦不待貶而罪自見矣。斷音短

夏四月丙戌，衛孫良夫帥師及齊師戰于新築衛

師敗績。

杜新築衛地皆陳曰戰大崩曰敗績四月無丙戌丙戌五月一日

左傳 衛侯使孫良夫石稷甯相向禽將侵齊與

齊師遇。

齊伐魯還相遇于衛地良夫孫林父之父石稷石碯四世孫甯相甯俞子相

息亮反向舒亮反

石子欲還孫子曰：「不可以師伐人，遇

其師而還，將謂君何？」

言無以答君

若知不能，則如無

出，今既遇矣，不如戰也。夏有

關文失新築戰事

石城子

曰：「師敗矣，子不少須，眾懼盡。」

成子石稷也衛師已敗而孫良夫復

欲戰故成子欲使須救

子喪師，徒何以復命？皆不對。又曰：

「子國卿也，墮子辱矣。」

墮見禽獲

子以眾退，我此乃止。

我于此止禦齊師

且告車來甚眾。

新築人救孫桓子故並告令軍中齊

師乃止，次于鞫居。

鞫居衛地鞫居六反

新築人仲叔于

奚救孫桓子，桓子是以免。

于奚守新築大夫

既，衛人賞

之以邑。

賞下

辭請曲縣。

軒縣也周禮天子樂宮縣四周諸侯軒縣闕南

方○縣音玄

繁纓以朝，許之。

繁纓馬飾皆諸侯之服○繁步于反仲尼

聞之曰惜也。不如多與之邑。唯器與名不可以

假人。器車服各爵號君之所司也。名以出信。各位不愆為民所信

信以守器。動不失信則車服可保器以藏禮。車服所以表尊卑禮

以行義。尊卑有禮各得其宜義以生利。得其宜則利生利以平民。

政之大節也。若以假人。與人政也。政亡則國家

從之。弗可止也。已。

胡傳齊師侵虐。而以衛主此戰。何也。衛侯初與

晉同盟于斷道矣。又使世子臧與晉同伐齊矣。

又使孫良夫石稷將侵齊矣。及與齊師遇。石稷

欲還。良夫不可。曰。以師伐人。遇其師而還。將謂

君何。若知不能。則如無出。今既遇矣。不如戰也。

遂戰于新築。故齊師雖侵虐。而此戰以衛主之

也。春秋善解紛。貴遠怨。而惡以兵刃相接。故書

法如此。

六月癸酉。季孫行父。臧孫許。叔孫僑如。公孫嬰齊。

帥師會晉郤克。衛孫良夫。曹公子首。及齊侯。戰于

鞌。齊師敗績。首公毅作手杜魯乞師于晉而不與與謀之例者從盟主之令上行于下

非匹敵和成之類例在宣七年曹大夫常不言而書公子首者首命于國備于禮成爲卿故也

牽齊地○郤去
逆反牽音安

左傳孫桓子還于新築不入不入國遂如晉乞師

臧宣叔亦如晉乞師皆主郤獻子宣十七年郤克至齊為婦

人所笑遂怒故魯衛因之孫桓子臧宣叔皆不以國命各自請郤克故不書晉侯許

之七百乘五萬二千五百人郤子曰此城濮之賦也城濮

在僖二十八年有先君之明與先大夫之肅故捷克于

先大夫無能為役不中為請八百乘許之六萬人

郤克將中軍士燮佐上軍范文子代荀庚欒書將下軍

代趙朔韓厥為司馬以救魯衛臧宣叔逆晉師且

道之季文子帥師會之及衛地韓獻子將斬人

郤獻子馳將救之至則既斬之矣郤子使速以

徇告其僕曰吾以分謗也不欲使韓氏獨受謗師從齊師

于犇犇齊地六月壬申師至于靡笄之下靡笄山名○靡

如字又音磨笄音雞齊侯使請戰曰子以君師辱于敝邑

不腆敝賦詰朝請見詰朝平旦見賢通反對曰晉與魯

衛兄弟也來告曰大國朝夕釋憾于敝邑之地

大國謂齊敝邑魯衛自稱寡君不忍使羣臣請于大國無令

輿師淹于君地輿衆也淹久也能進不能退君無所辱

命言自欲戰不復須君命齊侯曰大夫之許寡人之願也

若其不許亦將見也齊高固入晉師築石以投

人築擔也○擔丁甘反禽之而乘其車既獲其人因釋已車而載所獲者車

繫桑本焉以徇齊壘將至齊壘以桑樹繫車而走欲自異曰欲勇

者賈余餘勇賈買也言已勇有餘欲賣之癸酉師陳于鞌

夏御齊侯逢丑父為右晉解張御郤克鄭丘綏

為右齊侯曰余姑翦滅此而朝食姑且也翦盡也○陳直觀

反解音蟹不介馬而馳之介甲也郤克傷于矢流血及屨未絕鼓音中軍將自執旗鼓故曰余病

矣張侯曰自始合而矢貫余手及肘余折以御

左輪朱般豈敢言病吾子忍之張侯解張也朱般音近烟今人謂赤黑為般色言血多汗車

輪御猶不敢息折之設反般於閑反汗音烏

綏曰自始合苟有險余必下推車子豈識之然

子病矣以其不識已推車○推昌誰反張侯曰師之耳目在吾

旗鼓進退從之此車一人殿之可以集事殿鎮也集

成也○殿多練反若之何其以病敗君之大事也擐甲

執兵固即死也擐貫也即就也○擐音患病未及死吾子勉

之左并轡右援枹而鼓馬逸不能止即從之師晉

從郤克車○并必政反齊師敗績逐之。三周華

不注○華不注山名韓厥夢子輿謂已曰且辟左

右○子輿韓厥父故中御而從齊侯居中代御者自非元帥御者皆在中

左將在邴夏曰射其御者君子也公曰謂之君子

而射之非禮也齊侯不知戎禮○射食亦反下皆同射其左越于

車下越隊也○射其右斃于車中綦毋張喪車

從韓厥曰請寓乘○綦毋張晉大夫寓寄也從左

右皆射之使立於後○毋音無乘繩證反韓厥俛定

其右俛俯也右被射仕車中逢丑父與公易位

居公將及華泉驂絙於木而止驂馬絙也○華處戶化反音卦

丑父寢于輶中輶士車○輶仕產反臥車也蛇出于其下以

肱擊之傷而匿之故不能推車而及為韓厥所及丑父欲

為右故韓厥執繫馬前繫馬絆也執之示險臣僕之職○繫張立反絆

音再拜稽首奉觴加璧以進進觴璧亦示敬曰寡君

使羣臣為魯衛請曰無令輿師陷入君地本但為二

國救請不欲乃過入君下臣不幸屬當戎行無

地謙辭○為干僞反且懼奔辟而忝兩君臣

所逃隱屬適也○屬音獨行下郎反且懼奔辟而忝兩君臣

辱戎士若奔辟則為辱晉君并為齊侯羞故言二君此益韓厥自處臣僕謙敬之辭言

成公

十四

十四

十四

十四

○辟言避敢告不敏攝官承乏。言欲以已不敏攝丑

父使公下如華泉取飲鄭周父御佐車宛棧為

右載齊侯以免。佐車副車○宛紆元反棧扶廢反韓厥獻丑父

卻獻子將戮之呼曰自今無有代其君任患者

有一于此將為戮乎卻子曰人不難以死免其

君我戮之不祥赦之以勸事君者乃免之齊侯

免求丑父三入三出。重其代已故三入晉軍求之○呼火故反音壬難

乃旦每出齊師以帥退入于狄卒。齊師大敗皆

侯輕出其眾以帥厲退者遂迸入狄卒狄卒狄

卒皆抽戈楯冒之以入于衛師衛師免之。狄衛

之強故不敢害齊侯皆遂自徐關入齊侯見保

者曰勉之齊師敗矣。所過城邑皆辟女子。使辟

齊侯單還故婦人女子曰君免乎曰免矣曰銳

司徒免乎曰免矣。銳司徒主銳兵曰苟君與吾

父免矣可若何。言餘人不可復如何乃奔。走辟齊侯以為

有禮。先問君後既而問之辟司徒之妻也。辟司

壘壁者○予之石窳。石窳邑各濟北盧縣東有

晉師從齊師入自丘輿擊馬陘。丘輿馬陘皆齊

齊侯使賓媚人賂以紀甌玉磬與地。媚人國佐也。甌玉甌皆滅紀所得。音彥甌子孕反。不可則聽客之所為。賓媚人

致賂。晉人不可曰。必以蕭同叔子為質。同叔蕭君之字。

齊侯外祖。父子女也。難斥言其母故。遠言之。質音致。下同。難乃旦反。而使齊之

封內盡東其畝。使隴畝東西行。○盡津忍反。行戶郎反。對曰。蕭同

叔子非他。寡君之母也。若以匹敵。則亦晉君之

母也。吾子布大命于諸侯。而曰必質其母以為

信。其若王命何。言違王命。且是以不孝令也。詩曰。孝

子不匱。永錫爾類。詩大雅言孝心不匱者。又若能以孝道長賜其志類。

以不孝令于諸侯。其無乃非德類也乎。不以孝類。德賜同。

先王疆理天下。物土之宜而布其利。疆界也。理正也。

物土之宜播殖之物各從土宜。故詩曰。我疆我理。南東其畝。詩小雅或南或東。

今吾子疆理諸侯。而曰盡東其畝。從其土宜。

而已。唯吾子戎車是利。晉之伐齊循壟東行易。無顧土宜。

其無乃非先王之命也乎。反先王則不義。何以

為盟主。其晉實有闕。闕失。四王之王也。禹湯文武之王于。

況樹德而濟同欲焉。樹立也。濟成也。五伯之霸也。夏伯昆吾。

商伯大彭。豳韋。周伯齊。桓晉文。或曰桓文。宋襄。秦穆。楚莊。勤而撫之。以役

王命也。役事今吾子求合諸侯以逞無疆之欲竟疆

也。詩曰布政優優百祿是適詩頌殷湯布政優和故百祿來聚適

也。聚子實不優而弃百祿諸侯何害焉言不能為諸侯害

不然許不見寡君之命使臣則有辭矣曰子以君

師辱於敝邑不腆敝賦以犒從者戰而曰犒為孫辭○使所

吏反從才用反畏君之震師徒撓敗震動撓曲也○撓乃教反吾子

惠徼齊國之福不泯其社稷使繼舊好唯是先

君之敝器土地不敢愛子又不許請收合餘燼

燼火餘木○燼似亦反背城借一欲于城下復借一戰○背音佩敝邑之

幸亦云從也况其不幸敢不唯命是聽言完全之時尚

不敢違晉今若不幸則從命魯衛諫曰齊疾我矣諫欲克也其死

亡者皆親暱也子若不許讎我必甚唯子則又

何求子得其國寶謂獻幣○暱女乙反我亦得地齊歸所侵而

紆于難齊服則難紆○紆音舒難乃旦反其榮多矣齊晉亦唯

天所授豈必晉晉人許之對曰羣臣帥賦輿賦輿賦

猶兵車以為魯衛請若苟有以藉口而復于寡君

藉薦復白也○為子偽反藉在夜反君之惠也敢不唯命是聽禽

鄭自師逆公禽鄭魯大夫歸逆公會晉師

國語靡笄之役。韓獻子將斬人。靡或音摩。靡笄，齊山名。魯成二

年。晉郤克伐齊，從齊師于靡笄之下。戰于鞞。獻子時為司馬，將斬人以戮罪。在可救之者，郤

獻子駕將救之。至，則既斬之矣。郤獻子請以徇

其僕曰：子不將救之乎？獻子曰：敢不分謗乎？言欲

與韓子分謗其非也。言能如此，故從事不乖。

國語靡笄之役，郤獻子傷。傷于矢也。曰：余病喙。喙，短氣貌。

張侯御曰：三軍之心在此車矣。張侯，晉大夫。解張也。在此車謂

車進則進，車退則退也。其耳目在于旗鼓。耳聽鼓音，目視旗表。車無

退表，鼓無退聲。表，旌旗也。車表鼓音進退異數。軍事集矣。集，成也。

吾子忍之，不可以言病，受命于廟。將行告廟，受戒命也。受

賑於社。賑，市忍切。賑，宜社之肉也。盛以蠶器。甲冑而効死，戎之

政也。帶甲纓冑死而後已。此兵之常政。病未若死，祇以解志。祇，適也。

乃左并轡，右援枹而鼓之。馬逸不能止，三軍

從之。逸，奔也。齊師大敗，逐之三周。華不注之山。周匝

也。華，齊地。不注，山名。

公羊曹無大夫。公子手何以書？据羈無氏。憂內也。春秋

託王于魯，因假以見王法。明諸侯有能從王者，

征伐不義，克勝有功，當褒之。故與大夫大夫敵君不貶者，隨從王者大夫得敵諸侯也不從內言敗之者，君子不掩人之功，故從外言戰也。魯

舉四大夫不舉重者惡內多虛國家
悉出用兵重錄內也○惡烏路反

穀梁其日或日日其戰也或日日其悉也悉謂

大夫時悉在戰也曹無大夫其日公子何也以

明二者皆當日吾之四大夫在焉舉其貴者也不欲令內眾夫
夫與外卑者共

行戰○令
九皇反

胡傳大國三軍次國二軍魯雖大國而四卿竝

將是四軍也當此時舊制猶存尺地皆公室之

土也一民皆公室之兵也上卿行父與僑如嬰

齊各帥一軍會戰而臧孫許如晉乞師又逆晉

師為之道本不將兵特往來晉魯兩軍之間

謀議耳成公初立主幼國危為季孫一怒掃境

內興師而四卿並出肆其憤欲雖無人乎成公

之側有不恤也然後政自季氏出矣將稱元帥

畧其副屬詞之體也而四卿皆書者豈特為詳

內錄哉堅冰之戒亦明矣經之大例受伐者為

主而此以四國及之者以一笑之微殘民毒眾

幾獲其君而怒猶未息焚雍門之茨侵車東至

海故以四國主之為憤兵之大戒見諸行事深

切著明矣

秋七月齊侯使國佐如師巴西及國佐盟于袁婁

穀作爰婁杜穀梁曰牽去齊五百里袁婁去齊五十里

左傳秋七月晉師及齊國佐盟于爰婁使齊人

歸我汶陽之田

公羊君不使乎大夫此其行使乎大夫何據高

盟魯無君不稱使不從王者大夫稱使者實晉郤克為主經先晉傳舉郤克是也○使所吏反

佚獲也佚獲者已獲而逃亡也當絕賤使與大夫敵體以起之君獲下言師敗績等起

不去師敗績其佚獲奈何師還齊侯還晉郤克

投戟逡巡再拜稽首馬前逢丑父者頃公之

右也人君驟乘有車右有御者面目與頃公相似衣服與頃

公相似禮皮弁以征故言衣服相似頃公有負晉魯之心故特異丑父備急欲以自代

代頃公當左升車象陽道尚左使頃公取飲

頃公操飲而至不知頃公將欲堅敵曰革取清

者革更也軍中人多水泉濁頃公用是佚而不

反不書獲者內大惡諱逢丑父曰吾賴社稷之神靈吾君

已免矣郤克曰欺三軍者其法奈何顧問執曰

法斲斲斲○斲在畧反於是斲逢丑父丑父死君不賢之者經有使乎

大夫于王法頃公當絕如賢丑父是賞人之臣絕其君也若以丑父故不絕頃公是開諸侯戰不能死難也如以衰世無絕頃公者自齊所當善爾非王法所當貴○難乃旦反 巴西

及齊國佐盟于袁婁曷為不盟于師而盟于袁

婁如師前此者晉卻克與臧孫許同時而聘

于齊不書蕭同姪子者齊君之母也蕭同國名

同君姪娣之子踊于楮而闕客踊上也凡無高

音勇楮普口反則客或跛或眇于是使跛者

逐跛者使眇者逐眇者逐迎荆主迎者也聘禮

致館宰夫斬服致殮陰厥二大夫出朝與時聞

而語問當道門閉一扇開一扇一人在外一人

而不欲使人聽移日然後相去齊人皆曰患之

起必自此始知必為國家憂明芻蕘之言二大

夫歸相與率師為鞏之戰齊師大敗齊侯使國

佐如師惟師勝猶不卻克曰與我紀侯之虜襄

公滅紀所得虜邑其土肥饒欲得之或說虜玉甌○虜音彥反魯衛之侵地

使耕者東畝使耕者東且以蕭同姪子為質見

戲本由蕭同姪則吾舍子矣國佐曰與我紀侯

之虜請諾反魯衛之侵地請諾使耕者東畝是

則土齊也。

則晉悉以齊為土地是不可行

蕭同姪子者齊君之

母也齊君之母猶晉君之母也。不可。

言至尊不可為質

請戰。

如欲使耕者東西畝質齊君之母當請戰

一戰不勝請再再戰

不勝請三。

言齊雖敗尚可三戰

三戰不勝則齊國盡子之

有也何必以蕭同姪子為質揖而去之。郤克眈

魯衛之使使以其辭而為之請。

郤克耻傷其威故使魯衛大夫

以國佐辭為國佐請。眈音舜。又王乙反。又達結反之使所吏反。

然後許之。逮

于袁婁而與之盟。

逮及也。追及國佐于袁婁也。傳極道此者本禍所由生。因

錄國佐受命不受辭義可拒則拒可許。則許一言使四國大夫及追與之盟。

戰縣地五百里。焚雍門之茨。

雍門齊城門。茨蓋也。○雍于用反。茨

戰縣地五百里。焚雍門之茨。

在私。侵車至海。時侵齊過乃至海。

君子聞之曰。

夫甚甚之辭焉。

鄭嗣曰君子間戰于鞏乃盟于爰婁焚雍門之茨。侵車至海言

何也。敗衛師于新築。侵我北鄙。敖郤獻子。

因齊之敗逼之甚。○夫甚音符。齊有以取之也。齊之有以取之

何也。敗衛師于新築。侵我北鄙。敖郤獻子。

謂笑其跛

齊有以取之也。爰婁在師之外。

言師已逼其國

郤克曰。反魯衛之侵地。以紀侯之麤來。

麤王甌齊滅紀

以蕭同姪子之母為質。

齊侯與姪子同母其寶。異父昆弟不欲斥

言齊侯之母故言蕭同姪子之母也兼念姪子笑使耕者皆東其畝。以欲

利其戎車於驅侵易○易以鼓反然後與子盟。國佐曰：「反魯衛

之侵地，以紀侯之麤來，則諾。以蕭同姪子之母

為質，則是齊侯之母也。齊侯之母，猶晉君之母

也。晉君之母，猶齊侯之母也。言尊同也使耕者盡東

其畝，則是終土齊也。凱曰利其戎車侵伐易則是以齊為土不可

不可謂若請一戰，一戰不克，請再。再不克，請三

不許已言三不克，請四。四不克，請五。五不克，舉國而授。於

是而與之盟。

胡傳齊國佐如師，與楚屈完來。一也。然陘之後

則曰來盟于師，盟于召陵。鞏之戰，則曰及國佐

盟于袁婁。何也？荆楚暴橫，憑陵諸夏。齊桓公仗

義，聲罪致討，威行江漢之上，不待加兵而楚人

帖服。其書來盟于師者，楚人自服而來盟也。盟

于召陵者，桓公退舍，禮與之盟也。在春秋時，斯

為善矣。若夫袁婁，則異于是。齊雖侵虐，未若荆

楚之暴也。諸國大夫含憤積怒，欲雪一笑之耻，

至于殺人盈野，非有擊強扶弱之心。國佐如師，

將以賂免非服之也。晉大夫又不以德命。使齊人盡東其畝。而以蕭同叔子為質。夫蕭同叔子。齊君之母也。則亦悖矣。由是國子不可。請合餘燼。背城借一。揖而去之。郤克使魯衛之使。以其詞為之請。逮于袁婁。而與之盟。則汲汲欲盟者。晉也。故反以晉人及之。若此類見。曲直之繩。墨矣。是故制敵莫如仗義。天下莫大于理。而強有力。不與焉。亦可謂深切著明矣。

左傳附錄公會晉師于上鄆。上鄆地闕公會賜晉師不書史闕

三帥先路三命之服。三帥郤克士燮欒書也受王先路之賜今改而具

新并此車所建所服之物司馬司空輿帥候正亞旅皆受一

命之服。晉司馬司空皆大夫輿帥主兵車候正主斥候亞旅亦大夫也皆魯侯賜

八月壬午宋公鮑卒。杜未同盟而赴以各鮑步卯反

左傳八月宋文公卒始厚葬用蜃炭益車馬始

用殉。燒蛤為炭以瘞曠多埋車馬用人從葬○蜃市忍反重器備。重猶多也○重

直恭椁有四阿。棺有翰檜。四阿四注椁也翰旁反

翰戶且反檜古外反君子謂華元樂舉。於是乎不臣。臣治

煩去惑者也。是以伏死而爭。今二子者。君生則

縱其惑謂文十八年殺母弟須○去起呂反死又益其後是弃君

于惡也何臣之為若言何用為臣

庚寅衛侯速卒速公作遯杜宣十七年盟于斷道據傳庚寅九月七日

左傳九月衛穆公卒晉三子自役弔焉哭于大

門之外師還過衛故因弔之未復命故不敢成禮衛人逆之逆于門外設喪

位婦人哭于門內喪位婦人哭于堂賓在門外故移在門內送亦如

之遂常以葬至葬行此禮

左傳附錄楚之討陳夏氏也在宣十一年莊王欲納

夏姬申公巫臣曰不可君召諸侯以討罪也今

納夏姬貪其色也貪色為淫淫為大罰周書曰

明德慎罰周書康誥文王所以造周也明德務崇之

之謂也慎罰務去之之謂也若與諸侯以取大

罰非慎之也君其圖之王乃止子反欲取之巫

臣曰是不祥人也是天子蠻子蠻鄭靈公夏姬之兄殺死無後

殺申志反下殺御叔御叔夏姬之夫亦早死弑靈侯陳靈公也

戮夏南夏姬子徵舒出孔儀孔寧儀行父喪陳國楚滅陳

浪何不祥如是人生實難其有不獲死乎言死易得

無為取夏天下多美婦人何必是子反乃止王



以予連尹襄老襄老死于邲不獲其尸邲戰在宣十二年

年其子黑要烝焉黑要襄老子要一遙反巫臣使道焉曰

歸吾聘女道夏姬使歸鄭○女音汝又使自鄭召之曰尸可

得也襄老尸必來逆之姬以告王王問諸屈巫屈巫臣○屈居勿反

對曰其信知營之父成公之嬖也而

中行伯之季弟也知營父荀首也中行伯荀林父也邲之戰楚人囚知營○

新佐中軍而善鄭皇戌甚愛此子知營○

其必因鄭而歸王子與襄老之尸以求之王子

楚公子穀臣也邲之戰荀首囚之鄭人懼于邲之役而欲求媚

于晉其必許之王遣夏姬歸將行謂送者曰不

得尸吾不反矣巫臣聘諸鄭鄭伯許之聘夏姬及

共王即位將為陽橋之役楚伐魯至陽橋在此年冬○共音恭使

屈巫聘于齊且告師期巫臣盡室以行室家盡去申

叔跪從其父將適郢遇之叔跪申叔時之子○從才用反郢以恭反

曰異哉夫子有三軍之懼而又有蔡中之喜宜

將竊妻以逃者也蔡中衛風淫奔之詩及鄭使介反幣而

以夏姬行介副也幣聘物將奔齊齊師新敗曰吾不處

不勝之國遂奔晉而因郤至至郤克族子以臣于晉

晉人使為邢大夫

邢晉邑

子反請以重幣錮之

錮禁

勿令仕

王曰止其自為謀也則過矣其為吾

先君謀也則忠忠社稷之固也所蓋多矣

蓋覆也

自為為吾俱于偽反

且彼若能利國家雖重幣晉將可乎

言不許

若無益于晉晉將弃之何勞錮焉

為七年楚滅巫

臣族晉南通吳張本

晉師歸范文子後入武子曰無為

吾望爾也乎

武子士會父子之父

對曰師有功國人喜以

逆之先入必屬耳目焉是代帥受名也故不敢

武子曰吾知免矣

知其不益已禍屬章欲反

郤伯見公曰

子之力也夫對曰君之訓也二三子之力也臣

何力之有焉

郤伯郤克見賢遍反

范叔見勞之如郤伯

對曰庚所命也克之制也變何力之有焉

荀庚將上

軍時不出范文子上軍佐代行故稱帥以讓

勞力報反 欒伯見公亦如之

對曰變之詔也士用命也書何力之有焉

詔告也欒

書下軍帥故推功上軍傳言晉將帥克讓所以能勝齊

國語靡笄之役郤獻子師勝而反

反歸晉也

范文子

後入

文子時佐上軍

武子曰變乎女亦知吾望爾也乎

兵凶事文子後入故武子憂望也

對曰夫師郤子之師也

郤子請伐

齊又為元帥其事滅滅善也謂師有功若先則恐國人之屬

耳目於我也故不敢屬之玉切屬猶注也武子曰吾知免

矣知免於咎

國語靡笄之役卻獻子見音現下司公曰子之力也

夫對曰克也以軍命命三軍之士三軍之士用

命克也何力之有焉范文子見公曰子之力也

夫對曰變也受命于中軍以命上軍之士上軍

之士用命變也何力之有焉欒武子見武子晉卿欒枝

之孫栾盾之子公曰子之力也夫對曰書也受

命于上軍以命下軍之士下軍之士用命書也

何力之有焉

國語靡笄之役也卻獻子伐齊齊侯來齊侯謂項公也

來以靡笄之役故服而朝晉侯也獻之以得隕命之禮獻致饗也獻遵

豆之數如征伐所獲國君之獻禮也以得言不得也伐國獲君若秦獲晉惠是為隕命今齊雖

敗頃公不見得非隕命也故曰寡君使克也不

腆弊邑之禮為君之辱敢歸諸下執政以愨御

人愨半忍切歸饋也執政執事也愨願也御苗

人婦人也願以此報君御人之笑已者

苗 欒皇曰卻子勇而不知禮欒皇晉大夫楚鬬伯欒之子也矜其

伐而耻國君。矜大也。其與幾何。言將不終命也。

取汶陽田。杜晉使齊還魯故書取不以好得故不言歸。好呼報反。

公羊汶陽田者何。鞏之賂也。以國佐言反魯衛之侵地請諾本所

侵地非一總繫汶陽者省文也不言取之齊者耻內乘勝脅齊求賂得邑故諱使若非齊邑。

汶音問

胡傳汶陽之田本魯田也。取者得非其有之稱。

不曰復而謂之取。何也。恃大國兵力一戰勝齊。

得其故壤而不請于天王以正疆理。則取之不

以其道。與得非其有奚異乎。然則宜奈何。考于

建邦土地之圖。若在封域之中。則先王所錫。先

祖所受。經界世守。不可亂矣。不然。侵小得之。春

秋固有興滅國繼絕世之義。必有處也。魯在戰

國時。地方五百里。而孟氏語慎子曰。如有王者

作。在所損乎。在所益乎。經于復其故田而書取。

所損益亦可知矣。

冬楚師鄭師侵衛。杜子重不親伐

十有一月公會楚公子嬰齊于蜀。杜公與大夫會不貶嬰齊者時

有許蔡之君故范蜀其地。楚書公子自嬰齊始。

左傳宣公使求好于楚莊王卒宣公薨不克作
好在宣十年公即位受盟于晉元年盟赤棘會晉伐齊

衛人不行使于楚不聘而亦受盟于晉從于伐

齊故楚令尹子重為陽橋之役以救齊將起師

子重曰君弱傳曰寡人生十年而喪先君其王即位至是三年蓋年十二三矣

羣臣不如先大夫師衆而後可詩曰濟濟多士

文王以寧詩大雅言文王以衆士安夫文王猶用衆况吾儕

乎儕等且先君莊王屬之曰無德以及遠方莫如

惠恤其民而善用之乃大戶閩民戶口已責弃道責

逮施及老救乏赦罪悉師王卒盡行

彭名御戎蔡景公為左許靈公為右王卒盡行故王戎車

亦行雖無楚王令二君弱皆強寇之冬楚師侵

衛遂侵我師于蜀公賂之而退故不書侵使臧

孫往臧孫宣叔也辭曰楚遠而久固將退矣無功而

受名臣不敢不敢虛受楚侵及陽橋陽橋魯地孟孫

請往賂之楚侵遂深故孟孫請以賂往孟孫獻子也以執斲執鍼織

紕執斲匠人執鍼女工織紕織繒布者皆

百人公衡為質公衡成公子質音致以請盟楚人許平

穀梁楚無大夫其曰公子何也嬰齊亢也秦曰

十二年丙申及齊高侯盟文二年乙巳及晉處父盟傳曰不言高侯處父亢也此傳會嬰齊書公以明亢何乎蓋言高侯處父亢禮敵公書公則內耻也嬰齊初雖驕慢終自降替故于會則書公以顯嬰齊之驕亢于盟則稱人以表嬰齊之服罪然則向之驕正足以表其無禮不足以病公則書公可也

胡傳按左氏魯衛受盟于晉從于伐齊故楚為

檇檇之役令尹子重曰師衆而後可于是王卒

盡行二國稱師著其衆也侵衛則書侵我師于

蜀致賂納質沒而不書非諱也書其重者則莫

重乎其以中國諸侯降班失列下與夷狄之尤

夫會也季孫行父為國上卿當使其君尊榮其

民免于侵陵之患而危辱至此特起于忿忮肆

其偏心而不知制之以禮也書曰必有忍乃其

有濟懲忿窒慾德之脩也不忮不求行之善也

躬自厚而薄責于人遠怨之方也季孫忿忮弗

能懲也而辱逮君父不亦憐乎故春秋史外傳

心之要典也攷其行事深切著明于以反求諸

已則亦知戒矣



丙申公及楚人秦人宋人陳人衛人鄭人齊人曹人邾人薛人鄆人盟于蜀

杜齊在鄭下非卿傳曰卿不書匱盟也然則楚卿于是始與中國準自此以下楚卿不書皆貶惡也

左傳十一月公及楚公子嬰齊蔡侯許男秦右

大夫說宋華元陳公孫寧衛孫良夫鄭公子去

疾及齊國之大夫盟于蜀

齊大夫不書其名非卿也○說音悅去起

反卿不書匱盟也于是乎畏晉而竊與楚盟故

曰匱盟也蔡侯許男不書乘楚車也謂之失

位乘楚王車為左右則失位也卿不書則稱人諸侯不書皆不見經君臣之別君子

曰位其不可不慎也乎蔡許之君一失其位不

得列于諸侯況其下乎詩曰不解于位民之攸

暨詩大雅言在上者勤正其位則國安而民息也攸所也暨息也○解佳賣反暨許器反

其是之謂矣

公羊此楚公子嬰齊也其稱人何

據會而盟一處知一人也

得一貶焉爾

得一貶者獨此一事得具見其惡故貶之爾不然則當沒公也如齊高侯矣不沒公者明不主為公故也上會不序諸侯大夫者嬰齊楚專政驕蹇臣也數道其君率諸侯侵中國故獨先舉於上乃貶之明本在嬰齊當先誅其本乃及其末

穀梁楚其稱人何也

怪楚向稱公子今稱人于齊在鄭下蓋時王所黜

齊在鄭下蓋時王所黜

是而後公得其所也。會與盟同月，則地會不地盟。不同月，則地會地盟。此其地會地盟何也？以公得其所，申其事也。公得其所謂楚稱人申其事謂地會地盟今之屈，向之驕也。

胡傳盟而魯與，必先書公，尊內也。次書主盟者，衆所推也。此書公及楚人，則知主盟者楚也。公子嬰齊，秦右說。宋華元，陳公孫寧，衛孫良夫，鄭去疾，皆國卿也。何以稱人？楚僭稱王，春秋黜之。此諸夷秋，晉雖不競，猶主夏盟。諸侯苟能任仁，賢脩政事，保固疆圉，要結鄰好，同心擇義，堅事晉室，荆楚雖大，何畏焉？今乃西向服從而與之盟，不亦耻乎？古者用夏服夷，未聞服于夷也。乃是之從，亦為不善擇矣。經于魯君盟會，不信，則諱公而不書，不臣，則諱公而不書，棄中國從夷狄，則諱公而不書，蜀之盟，棄晉從楚，書公不諱何也？事同而既貶，則從同同，正始之義也。從荆楚而與盟，既諱公于僖十九年齊之盟矣。是以于此不諱，而人諸國之大夫以見意也。

左傳卷二十一 宣公二年 三十三

左傳附錄 楚師及宋。公衡逃歸。臧宣叔曰。衡父

不忍數年之不宴。宴樂也。數所主反。以弃魯國。國將若

之何。誰居。後之人必有任是夫。國弃矣。居辭也。言後人

必有當此患。居音基。任音壬。夫音扶。是行也。晉辟楚。畏其衆也。

君子曰。衆之不可以已也。大夫爲政。猶以衆克。

況明君而善用其衆乎。大誓所謂商兆民離。周

十人同者。衆也。大誓周書萬億曰兆。民離則弱。合則成。衆言殷以散亡。周以衆

典○晉侯使鞏朔獻齊捷于周。王弗見。使單襄

公辭焉。曰。蠻夷戎狄。不式王命。式用也。淫泆毀常。

王命伐之。則有獻捷。王親受而勞之。所以懲不

敬。勸有功也。兄弟甥舅。侵敗王略。兄弟同姓。甥舅異姓。國

略。經略法度。○泐。面善反。勞力報反。敗必邁反。王命伐之。告事而已。不

獻其功。所以敬親暱。告伐事而禁淫慝也。淫慝謂

掠百姓取囚俘也。○慝他得反。醜薄報反。掠音亮。今叔父克遂有功于

齊。克能也。而不使命卿鎮撫王室。所使來撫余一

人。而鞏伯實來。未有職司于王室。鞏朔上軍大夫。非命卿名。

位不達于王室。又奸先王之禮。謂獻齊捷。余雖欲于鞏伯。欲

其其敢廢舊典以忝叔父。夫齊甥舅之國也。而

春秋左傳 卷二十一 宣公二年 三十三

大師之後也。齊世與周昏故曰甥舅寧不亦淫從其欲以

怒叔父。抑豈不可諫誨。士莊伯不能對。莊伯鞏禮之

子用王使委于三吏。委屬也三吏三公也禮之

如侯伯克敵。使大夫告慶之禮。降于卿禮一等。

王以鞏伯宴而私賄之。使相告之曰。非禮也。勿

籍。相相禮者籍書也。王畏晉故私

定王十三年晉景十二齊頃十一衛定公臧元年

九年杞桓四十九宋共公固襄十七曹宣七陳成十一

春王正月公會晉侯宋公衛侯曹伯伐鄭。杜宋衛未葬而

稱晉以接鄰國非禮也。范宋衛未葬而自同于正君故書公侯以誦之。

左傳三年春諸侯伐鄭次于伯牛。討邲之役也。

伯牛鄭地邲役遂東侵鄭。晉潞軍鄭公子偃帥

師禦之。偃穆使東鄙覆諸鄆。覆伏兵也。鄆扶

武且敗諸丘輿。鄆丘輿皆鄭地晉偏皇戊如楚

獻捷。

胡傳按左氏諸侯伐鄭討邲之役也。遂東侵鄭

公子偃帥師禦之。覆諸鄆。敗諸丘輿。夫討邲之

役。則復怨勦民。非觀釁也。遂東侵。則潛師掠境。

非以律也。覆而敗諸，則專用詐謀，非王勝也。度彼參此，皆無善也。畧而不紀，勝負微也。晉侯稱爵而以伐書，何也？初為是役，必以鄭之從楚也。附蠻夷，擾中國，則盟主有詞于伐耳。宋衛未葬，曷為稱爵？背殯越境，以吉禮從，金革之事也。

弼鄭芒 哀反

辛亥葬衛穆公

二月公至自伐鄭

甲子新宮災三日哭

社三年喪畢宣公神主新入廟故謂之新宮書三日哭善

得禮宗廟親之神靈所馮 居而遇災故哀而哭之

公羊新宮者何宣公之宮也

以無新宮知宣宮

則曷為謂之新宮不忍言也

親之精神所依而 災孝子隱痛不忍

正言也謂之新宮者因新入宮易其 西北角示昭穆相繼代有所改更也 其言三日

哭何廟災三日哭禮也

善得禮痛 傷鬼神無

所依歸故君 臣素縞哭之 新宮災何以書記災也 此象宣公 篡立當誅

絕不宜列昭穆成公幼少臣威大重結怨 疆齊將不得久承宗廟之應○大重音泰

穀梁新宮者禰宮也

謂宣公廟也三年喪畢宣 公神主新入廟故謂之新

宮○禰 乃禮反 三日哭哀也其哀禮也 宮廟親之神靈 所憑居而遇災

故以哀迫近不敢稱謚恭也。迫近言親祔也。桓器為禮。僖遠祖則稱謚。
其辭恭且哀。以成公為無譏矣。

胡傳廟災而哭。禮也。得禮為常事。則何以書。緩氏劉綯曰。新宮者。宣宮也。不曰宣宮者。神主未遷也。知然者。丹楹刻桷。皆稱桓宮。此不舉謚。故知其未遷也。宮成而主未入。遇災而哭。何禮哉。宣公薨。至是二十有八月。緩于遷主可知矣。言災。則不恭之致。亦自見矣。此說據經為合。或曰。禮稱有焚其先人之室。則三日哭。新宮將以安

神主也。雖未遷而哭。不亦可乎。曰。先人之室。葬嘗寢于斯。食于斯。會族屬於斯。其居處笑語之所在。皆可想也。事死如事生。故有焚其室則哭之。禮也。神主未遷而哭。于人情何居。

乙亥葬宋文公。杜七月而葬緩

胡傳按左氏。文公卒。始厚葬。益車馬。重器備。君子謂華元樂舉。于是乎不臣。考于經。未有以驗其厚也。數其葬之月。則信然矣。天子七月。諸侯五月。大夫三月。士踰月。以降殺遲速為禮之節。



不可亂也。文公之卒，國家安靖，外無危難，曷為越禮踰時，逮乎七月而後克襄事哉？故知華元樂舉之棄君于惡而益其侈，無疑矣。夫禮之厚薄，稱人情而為之者也。宋公在殯而離次出境，從金革之事，哀戚之情忘矣。顧欲厚葬其君，親此非有所不忍於死者，特欲誇耀淫侈無知之人耳。世衰道微，禮法既壞，無以制其侈心。至于秦漢之間，窮竭民力以事丘隴，其禍有不可勝言者。春秋據事直書，而其失自見。此類是也。豈不為永戒哉。

夏公如晉

左傳夏公如晉，拜汶陽之田。

前年晉使齊歸魯汶陽田故

鄭公子去疾帥師伐許

左傳許恃楚而不事鄭，鄭子良伐許。

公至自晉

胡傳宣公薨，至是三年之喪畢矣，宜入朝京師。

見天子，受王命，然後歸而即政可也。嗣守社稷之重，而不朝于周，以拜汶陽田之故，而往朝于

晉其行事亦悖矣。此春秋所為作也。公行多不致。其書公至自晉。何其至也。必有以也。

左傳 晉人歸楚公子穀。臣與連尹襄老之尸于

楚。以求知罃。邲之戰楚獲知罃 于是荀首佐中軍矣。荀首

知罃 故楚人許之。王送知罃曰。子其怨我乎。對

曰。二國治戎。臣不才。不勝其任。以為俘馘。執事

不以釁鼓。以血塗鼓為釁鼓。勝音升 使歸。即戮君之惠也。

臣實不才。又誰敢怨。王曰。然則德我乎。對曰。

國圖其社稷。而求紓其民。紓。各懲其忿。以

宥也。宥。赦也。 兩釋繫囚。以成其好。繫。繫也。二國有好

臣不與及其誰敢德。言二國本不為已 王曰。子歸何以

報我。對曰。臣不任受怨。君亦不任受德。無怨無

德。不知所報。王曰。雖然。必告不穀。對曰。以君之

靈。纍臣得歸。骨于晉。寡君之以為戮。死且不朽。

戮。其不勝任也。任音王。下同。 若從君之惠而免之。以賜君之

外臣首。稱于異國。君曰外臣 首其請于寡君。而以戮于宗。

亦死且不朽。若不獲命。君不許戮 而使嗣宗職。嗣其祖宗

職之位 次及于事。而帥偏師。以脩封疆。雖遇執事。

遇楚將帥其弗敢違也違辟也其竭力致死無有二心以

盡臣禮所以報也王曰晉未可與爭重為之禮

而歸之

秋叔孫僑如帥師圍棘

杜棘汶陽田之邑在濟北蛇丘縣○蛇以支反

左傳秋叔孫僑如圍棘取汶陽之田棘不服故

圍之僑如叔孫得臣子

公羊棘者何汶陽之不服邑也

棘民初未服于魯其言

圍之何兵不舉不聽也

不聽者叛也不言叛者為內諱故書圍以起之

不先以文德來之而便以兵圍之當與圍外邑同罪故言圍也得曰取不得曰圍

胡傳按左氏取汶陽之田棘不服故圍之復故

地而民不聽至于命上將用大師環其邑而攻

之何也魯于是時初稅畝作丘甲稅役日益重

矣棘雖復歸故國所以不願為之民也歟成公

不知薄稅斂輕力役脩德政以來之而肆其兵

力雖得之亦必失之矣

大雩

杜以過時書何成公幼少大臣秉政變亂政教先是作丘甲為鞏之戰伐鄭圍棘不恤民

之所

晉郤克衛孫良夫伐齊咎如

齊公作將穀作牆杜赤狄別種○齊在良

反咎古刀反
種章勇反

左傳 晉郤克衛孫良夫伐虜咎如討赤狄之餘

焉宣十五年晉滅赤狄潞氏其餘民散入虜咎如故討之 虜咎如潰上失

民也此傳釋經之文而經無虜咎如潰蓋經闕此四字

冬十有一月晉侯使荀庚來聘衛侯使孫良夫來

聘丙午及荀庚盟丁未及孫良夫盟杜先晉後衛尊霸主○晉

來聘之始亦聘而遂盟之始

左傳 冬十一月晉侯使荀庚來聘且尋盟尋元年赤

棘盟荀庚林父之子 衛侯使孫良夫來聘且尋盟尋宣七年盟

公問諸臧宣叔曰中行伯之于晉也其位在三

卿下孫子之于衛也位為上卿將誰先對曰次國

之上卿當大國之中中當其下下當其上大夫

降一等小國之上卿當大國之下卿中當其上下大

夫下當其下大夫降大國二等上下如是古之制也

古制公為大國侯伯為次國子男為小國 衛在晉不得為次國春秋時以

強弱為大小故衛雖侯爵猶為小國 晉為盟主其將先之計等則二人位

敵以盟主故先晉 丙午盟晉丁未盟衛禮也

公羊 此聘也其言盟何據不舉重嫌生事故此以輕問重也 聘而

言盟者尋舊盟也

尋猶尋繹也以不舉重連聘而言之知尋繹舊故約誓也

書者惡之詩曰君子屢盟亂是用長二國既脩禮相聘不能相親信及復相疑故舉聘以非之

○長丁

穀梁其日公也來聘而求盟不言及者以國與

之也不言其人亦以國與之也

徐邈曰不言及謂凡書來盟者

也若宣七年衛孫良夫來盟是也以國與之謂舉國為主故直書外來爾此先聘而後盟故不言來盟總言及而不復著其人

也

胡傳劉敞曰諸侯有聘無盟聘禮也盟非禮也

庚與良夫不務引其君當道而生事專命為非禮不信以干先王之典故不繫于國以見其遂事之辱非人臣之操此說然也其言及者公與之盟而不言公見二卿之抗也盟者春秋所惡于惡之中又有惡焉者此類是也

鄭伐許

杜不書將帥告辭畧何謂之鄭者惡鄭襄公與楚同心數侵伐諸夏自此之後中國

盟會無已兵革數起夷狄比周為黨故夷狄之數侵所各反下同比毗志反范鄭從楚而伐衛之喪又叛諸侯之盟故狄之

胡傳稱國以伐狄之也晉楚爭鄭鄭兩事焉及

邲之敗于是乎專意事楚不通中華晉雖加兵終莫之聽也至此一歲而再伐許甚矣夫利在中國則從中國利在夷狄則從夷狄而不擇于義之可否以為去就其所以異于夷者幾希况又憑弱犯寡一歲之中而再動干戈于鄰國不既甚乎春秋之法中國而夷狄行者則狄之以懲惡也以為告辭畧而從告乃實錄耳一字為褒貶義安在也

左傳附錄 十二月甲戌晉作六軍為六軍備王也萬二千五

百人韓厥趙括鞏朔韓穿荀騅趙旃皆為卿

鞏之功也韓厥為新中軍趙括佐之鞏朔為新上軍韓穿佐之荀騅為新下軍趙旃

佐之晉舊自有三軍今增此故為六軍○騅音佳 ○齊侯朝于晉將授

玉行朝禮卻克趨進曰此行也君為婦人之笑辱

也寡君未之敢任言齊侯之來以謝婦人之笑非為脩好故云晉君不任當

此惠○晉侯享齊侯齊侯視韓厥韓厥曰君知

厥也乎齊侯曰服改矣戎朝異服也言服改明識其人韓厥登

舉爵曰臣之不敢愛死為兩君之在此堂也○

荀罃之在楚也鄭賈人有將寘諸楮中以出既

謀之未行而楚人歸之。賈人如晉，荀罃善視之。如實出已。賈人曰：吾無其功，敢有其實乎？吾小人不可以厚誣君子，遂適齊。

傳言知罃之賢。○定王二十四年，晉景十三，齊頃十二，衛定二，祭景五，十年，鄭襄十八，卒，曹宣八，陳成十二，杞桓五十，宋共二，秦桓十八，楚共四。

春宋公使華元來聘。

左傳四年春，宋華元來聘，通嗣君也。宋共公即位。

三月壬申，鄭伯堅卒。桓二年大夫盟于蜀，壬申二月二十八日。

杞伯來朝。

左傳杞伯來朝，歸叔姬故也。將出叔姬先備禮朝魯言其故。

夏四月甲寅，臧孫許卒。

公如晉。

左傳夏，公如晉，晉侯見公不敬。季文子曰：晉侯必不免。言將不能壽終也。後十年陷廁而死。詩曰：敬之敬之，天惟

顯思，命不易哉。詩頌言天道顯明，受其命甚難，不可不敬以奉之。○易以鼓反。

夫晉侯之命在諸侯矣，可不敬乎？敬諸侯則得天命。

葬鄭襄公。

秋，公至自晉。

左傳秋公至自晉欲求成于楚而叛晉季文子

曰不可晉雖無道未可叛也國大臣睦而邇于

我也邇近諸侯聽焉未可以貳也聽服史佚之志有

之周文王曰非我族類其心必異楚雖大非吾

族也與魯其肯字我乎公乃止字愛

冬城鄆公作運莊公欲叛晉故

鄭伯伐許何未踰年君稱伯者時樂成君位親自

自同于正君亦譏之左傳冬十一月鄭公孫申帥師疆許田前年鄭

其田今許人敗諸異陂鄭伯伐許取鉏任泠敦

之田展陂亦許地○任晉欒書將中軍代郟

首佐之士燮佐上軍以救許伐鄭取汜祭汜祭

成臯縣東有汜水○楚子反救鄭鄭伯與許男

訟焉於子反前皇戌攝鄭伯之辭代之子反不

能決也曰君若辱在寡君寡君與其二三臣共

聽兩君之所欲成其可知也欲使自屈于不然

側不足以知二國之成側子反名為明年

胡傳前此鄭襄公伐許既狄之矣今悼公又伐



許乃復稱爵何也喪未踰年以吉禮從金革之事則忘親矣稱爵非美詞所以著其惡也

左傳附錄 晉趙嬰通于趙莊姬趙嬰趙盾弟莊姬趙朔妻朔盾

之子

定王二十五年晉景十四齊頃十三衛定三蔡景

一年崩 杞桓五十一宋共 三秦桓十九楚共五 六鄭悼公費元年曹宣九陳成十

春王正月杞叔姬來歸杜出也傳在前年何始歸不書與邾伯姬同

穀梁 婦人之義嫁曰歸反曰來歸

胡傳 前書杞伯來朝左氏以為歸叔姬也此書

杞叔姬來歸則出也春秋於內女其歸其出錄

之詳者男子居室人之大倫也男子生而願為

之有室女子生而願為之有家父母之心人皆

有之而不能為之擇家與室而夫婦之道苦淫

僻之罪多矣王法所重人倫之本錄之詳也為

世戒也

左傳附錄 春原屏放諸齊放趙嬰也原同屏季嬰之兄○屏步丁反

嬰曰我在故欒氏不作我亡吾二昆其憂哉且

人各有能有不能言已雖淫而能令莊姬護趙氏舍我何害弗

聽。嬰夢天使謂已。祭余。余福女。使問諸士貞伯。

貞伯曰。不識也。既而告其人。自告貞伯從人。○舍音捨聽吐丁反。

女音汝從才用反。曰。神福仁而禍淫。淫而無罰。福也。祭

其得亡乎。以得放遣為福。祭之之明日而亡。為八年晉殺趙同趙

括傳

仲孫蔑如宋。

左傳孟獻子如宋。報華元也。前年宋華元來聘。

夏叔孫僑如會晉荀首于穀。首公作秀。杜穀齊地。

左傳夏晉荀首如齊。逆女。故宣伯俾諸穀。野饋曰餽。

運糧饋之敬大國也。○餽音鄆。

梁山崩。杜記異也。梁山在馮翊夏陽縣北。范梁山晉之望也。不言晉者。名山大澤不以封也。許慎曰。山者陽位。君之象也。象君權壤。

許慎曰。山者陽位。君之象也。象君權壤。

左傳梁山崩。晉侯以傳召伯宗。傳驛。○傳中戀反。伯宗

辟重。曰。辟傳。重載之車。○辟匹亦反。曰辟音避。重人曰。待我不

如捷之速也。出拚邪。問其所曰。絳人也。問絳事焉。

曰。梁山崩。將召伯宗謀之。問將若之何。曰。山有

朽壤而崩。可若何。國主山川。主謂所祭。故山崩川

竭。君為之不舉。去盛饌。○為干。偽反。饌仕戀反。降服。損盛服。乘縵。

車無文。○徹樂。息八音。出次。舍于郊。祝幣。陳玉帛。史辭。

責自罪。以禮焉。禮山川。其如此而已。雖伯宗若之何。

伯宗請見之。見之於晉君。○見賢遍反。不可。不肯見。遂以告而

從之。從重人言。

國語梁山崩。梁山晉望也。以傳召伯宗。傳竹簡切。傳驛也。伯宗晉

大夫孫伯糾之子。遇大車當道而覆。大車牛車也。立而辟之。

曰。辟傳。辟使下道避傳車。對曰。傳為速也。若俟吾辟之。

則加遲矣。不如捷而行。旁出為捷。伯宗喜問其居曰。

絳人也。絳晉國都。伯宗曰。何聞曰。梁山崩而以傳召

伯宗。伯宗問曰。將若何對曰。山有朽壤而自崩。

將若何。朽腐也。不言政失所為而稱朽壤言遜也。夫國主山川。主為山川

也。故川涸山崩。君為之降服出次。降服縞素也。出次次于郊

也。乘縵不舉策於上帝。縵車無文也。不舉不舉樂也。策於上帝以簡策

之文告於上帝。國三日哭。以禮焉。以禮於神也。雖伯宗亦其

如是而已。其若之何。問其名。不告。請以見。弗許。

以見於君。伯宗及絳。以告而從之。以車者之言告君君從之。

公羊梁山者何。河上之山也。梁山崩何以書記

異也。何異爾。大也。何大爾。梁山崩壅河三日不

外異不書。此何以書。為

天下記異也。山者陽精德澤所由生君之象河

記山崩壅河者此象諸侯失勢王道絕大夫擅

恣為海內害自是之後六十年之中弑君十四

亡國三十二故漢梁之

盟編刺天下之大夫

穀梁不日何也。據僖十四年秋八月高者有崩

道也。有崩道則何以書也。曰梁山崩壅遏河三

日不流。晉君召伯尊而問焉。伯尊來遇輦者。輦

者不辟。使車右下而鞭之。凡車將在左御在中

有以之人在右所以

備非常○尊左氏作伯

宗辟音避將子匠反輦者曰所以鞭我者其

取道遠矣。所用鞭我之間伯尊下車而問焉。其

言有理知曰子有聞乎。對曰梁山崩壅遏河三

非凡人日不流。伯尊曰君為此召我也。為之奈何。輦者

曰天有山。天崩之。天有河。天壅之。雖召伯尊如

之何。伯尊由忠問焉。用忠誠之輦者曰君親素

縞。帥羣臣而哭之。既而祠焉。斯流矣。素衣縞冠

以凶服者山川國之鎮也山梁山崩。壅遏河三日不流。為之奈何。伯尊曰君

親素縞。帥羣臣而哭之。既而祠焉。斯流矣。孔子

聞之曰。伯尊其無績乎。攘善也。績功也。攘盜也。取輦者之言而

行之非已之功也。績或作績。謂無繼嗣。

胡傳梁山。韓國也。詩曰。奕奕梁山。韓侯受命。而謂之韓奕者。言奕然高大。為韓國之鎮也。後為晉所滅。而大夫韓氏以為邑焉。書而不繫國者。為天下記異。是以不言晉也。左氏載絳人之語。於禮文備矣。而未記其實也。夫降服。乘縵。徹樂。出次。祝幣。史辭。六者禮之文也。古之遭變異而外為此文者。必有恐懼脩省之心。主于內。若成

湯以六事檢身。高宗克正厥事。宣王側身脩行。欲銷去之是也。徒舉其文而無實以先之。何足以弭災變乎。夫國主山川。至于崩竭。當時諸侯。未聞有戒心而脩德也。故自是而後。六十年間。弑君十有四。亡國三十二。其應亦憐矣。春秋不明著其事。應而事應具存。其可忽諸。

左傳附錄許靈公愬鄭伯于楚。前此年鄭伐許故六月。

鄭悼公如楚訟。不勝。楚人執皇戌及子國。以鄭伯不

直故也。十國鄭穆公子故鄭伯歸。使公子偃請成于晉。秋

八月鄭伯及晉趙同盟于垂棘。垂棘晉地○宋公子

圍龜為質于楚而歸。圍龜文公子質音致華元享之請

鼓譟以出鼓譟以復入。出入輒擊鼓○復扶又反日習攻華

氏宋公殺之。蓋宣十五年宋楚平後華元德圍龜代已為質故怨而欲攻華氏

秋大水。何先是既有丘甲鞏棘之役又重以城鄆民怨之所生

冬十有一月巳酉天王崩。何定王

左傳十一月巳酉定王崩。

十有二月巳丑公會晉侯齊侯宋公衛侯鄭伯曹

伯邾子杞伯同盟于蟲牢。杜蟲牢鄭地陳留封丘縣北有桐牢何約備疆

楚

左傳冬同盟于蟲牢鄭服也諸侯謀復會宋公

使向為人辭以子靈之難。子靈圍龜也宋公不欲會以新誅子靈為

辭為明年侵宋傳○向舒亮反

胡傳按左氏許靈公愬鄭伯于楚鄭伯如楚訟

不勝歸而請成于晉盟于蟲牢鄭服也鄭服則

何以書同盟天王崩赴告已及在諸侯之策矣

以所聞先後而奔喪禮也而九國諸侯會盟不

廢故特書同盟以見其皆不臣春秋惡盟誓于

士貞伯曰鄭伯其死乎自棄也已視流而行速不安其位宜不能久視流不端諦也

二月辛巳立武宮杜魯人自鞏之功至今無患故築武軍又作先君武公宮以告

成事欲以示後世范舊說曰武公之宮廟毀已久矣故傳曰不宜立也禮記明堂位曰魯公之廟文世室也武公之廟武世室也言世室則不毀也則義與此違

左傳 二月季文子以鞏之功立武宮非禮也宜

二年潘黨勸楚子立武軍楚子答以武有七德非已所堪甚為先君宮告成事而已今魯倚晉之功又非霸王而聽於人以救其難不可以立立武宮故譏之

武立武由已非由人也言請人救難勝非已功○難乃旦反

公羊 武宮者何武公之宮也在春秋前立者何立者

不宜立也立武宮非禮也禮天子諸侯立五廟受命始封之君立一

廟至於子孫過高祖不得復立廟周家祖有功尊有德立后稷文武廟至於子孫自高祖已下而七廟天子卿大夫三廟元士二廟諸侯之卿大夫比元士二廟諸侯之士一廟立武宮者蓋時衰多廢人事而好求福於鬼神故重而書之臧孫許伐齊有功故立武宮

穀梁 立者不宜立也

胡傳 武宮武公之宮立武宮非禮也喪事即遠

有進而無退宮廟即遠有毀而無立故二昭二穆與太祖而五者諸侯之廟制也曰考廟曰王



春秋左傳卷二十四 六年

考廟曰皇考廟。皆月祭焉。曰顯考廟。曰祖考廟。享嘗乃止。去祖為壇。去壇為墀。壇墀有禱則祭。無禱乃止。去墀為鬼。諸侯之祭法也。武公至是。歷世十一。其毀已久而輒立焉。非即遠有終之意。故特書曰立。立者不宜立也。善。墀音

取鄆杜附庸國也

左傳取鄆言易也

公羊鄆者何。邾婁之邑也。曷為不繫于邾婁。諱

亟也。諱魯背信亟也。屬相與為蟲牢之盟。旋取其邑。故使若非蟲牢人矣。亟去異反。注

同背音佩

穀梁鄆國也

胡傳鄆微國也。書取者滅之也。滅而書取為君隱也。項亦國也。其書滅者以僖公在會。季孫所為故直書其事而不隱。此春秋尊君抑臣以辨上下。謹於微之意也。人倫之際。差之毫釐。謬以千里。故仲尼特立此義。以示後世。臣子使以道事君。而無朋附權臣之惡。於傳有之。犯上干主。其罪可救。乖忤貴臣。禍在不測。故臣子多不憚

春秋左傳卷二十四 成公 三

人主而畏權臣。如漢谷永之徒。直攻成帝。不以爲嫌。至於王氏則周旋相比。結爲死黨。而人主不之覺。此世世之公患也。歸父家遣。緣季氏也。朝吳出奔。因無極也。王章殺身。忤王鳳也。鄴侯寄館。避元載也。惟殺生在下。而人主失其柄也。是以黨與衆多。知有權臣而不知有君父矣。使春秋之義得行。尊君抑臣以辨上下。每謹於微。豈有此患乎。

衛孫良夫帥師侵宋

左傳 三月。晉伯宗夏陽說衛孫良夫。甯相鄭人

伊雒之戎。陸渾蠻氏侵宋。夏陽說晉大夫蠻氏戎別種也。河南新城

縣東南有蠻城。經惟書衛孫良夫獨衛告也。○說音悅。渾戶門反。以其辭會也。

辭會在師于鍼。衛人不保。不守備。○說欲襲衛

曰。雖不可入。多俘而歸。有罪不及死。伯宗曰。不

可。衛唯信晉。故師在其郊。而不設備。若襲之。是

弃信也。雖多衛俘。而晉無信。何以求諸侯。乃止

師還。衛人登陴。○聞說謀故。陴音皮。

左傳附錄 晉人謀去故絳。晉復命新田爲絳。故謂此故絳。諸大

夫皆曰必居郇瑕氏之地郇瑕古國名河東解縣西北有郇城○郇

音荀解音蟹沃饒而近鹽鹽音也倚氏縣鹽池是國

利君樂不可失也韓獻子將新中軍且為僕大

夫兼大僕樂音洛公揖而入獻子從公立於寢庭寢路

之謂獻子曰何如問諸大夫對曰不可郇瑕氏

土薄水淺土薄地下其惡易覲惡疾疾覲成也○易

勅覲反易覲則民愁民愁則墊隘墊丁念反隘於

賣反羸劣偽反於是乎有沈溺重腿之疾沈溺濕疾重

治偽反不如新田今平陽絳邑縣是土厚水深居之不疾

高燥故有汾澮以流其惡汾水出太原經絳北西

縣南西入汾惡垢穢○且民從教無災十世之

利也夫山澤林鹽國之寶也國饒則民驕財

致則民驕侈近寶公室乃貧不可謂樂近寶則民公

說從之夏四月丁丑晉遷于新田為季孫如晉傳

夏六月邾子來朝

公孫嬰齊如晉杜嬰齊叔肸子

左傳子叔聲伯如晉命伐宋晉人命

壬申鄭伯費卒杜前年同盟蟲牢○費音祕何不

春秋左傳卷二十四 成公

疆楚楚伐鄭喪不能救晉又侵之故去
葬使若非伐喪○為于偽反去起呂反

左傳 六月鄭悼公卒終士貞伯之言

秋仲孫蔑叔孫僑如帥師侵宋

左傳 秋孟獻子叔孫宣伯侵宋晉命也

胡傳 魯遣二卿為主將動大眾焉有事於宋而

以侵書者潛師侵掠無名之意蓋陋之也於衛

孫良夫亦然上三年嘗會宋衛同伐鄭矣次年

宋使華元來聘通嗣君矣又次年魯使仲孫蔑

報華元矣是年冬鄭伯背楚求成于晉而魯衛

與宋又同盟于蟲牢矣今而有事於宋上卿受

鉞大眾就行而師出無名可乎故特書侵以罪

之也左氏載此師晉命也後二年宋來納幣請

伯姬焉則此師為晉而舉非魯志明矣兵戎有

國之重事邦交人道之大倫聽命於人不得已

焉將能立乎春秋所以罪之也

楚公子嬰齊帥師伐鄭楚始書大夫將

左傳 楚子重伐鄭鄭從晉故也前年楚晉盟

冬季孫行父如晉

左傳冬季文子如晉賀遷也

晉欒書帥師救鄭救公作侵

左傳晉欒書救鄭與楚師遇於繞角繞角鄭地楚師

還晉師遂侵蔡楚公子申公子成以申息之師

救蔡申息楚二縣禦諸桑隧汝南朗陵縣東有桑里在上蔡西南趙同

趙括欲戰請於武子武子將許之武子欒書知莊子

荀首中范文子士燮上軍佐韓獻子韓厥新中軍將諫曰不

可吾來救鄭楚師去我吾遂至於此此蔡地是遷

戮也戮而不已又怒楚師戰必不克遷戮不義怒敵難當

故不雖克不令成師以出而敗楚之二縣何榮

之有焉六軍悉出故曰成師以大勝小不足為榮若不能敗為辱已

甚不如還也乃遂還於是軍帥之欲戰者衆或

謂欒武子曰聖人與衆同欲是以濟事子盍從

衆盍何不也帥所類反子為大政中軍元帥將酌於民者也

酌取民心以為政子之佐十一人六軍之卿佐其不欲戰者

三人而已知范韓也欲戰者可謂衆矣商書曰三人

占從二人衆故也商書洪範武子曰善鈞從衆鈞等也

夫善衆之主也三卿為主可謂衆矣三卿皆晉之賢人

從之不亦可乎。

傳善樂書得從衆之義且爲八年晉侵蔡傳

胡傳荆楚僭號稱王聖人比諸夷狄而不赦者

大一統以存周使民著於君臣之義也鄭能背

夷卽華是改過遷善出幽谷而遷喬木也嬰齊

爲是帥師又因其喪而伐之不義甚矣經所以

深惡之也書卿帥師伐鄭於文無貶辭何以知

其深惡楚也下書樂武子帥師救鄭則知之矣

凡書救者未有不善之也而伐者之罪著矣按

左氏晉楚遇于桑隧軍帥之欲戰者八人武子

遂還則無功也亦何善之有曰此春秋之所以

善樂書也兩軍相加兵刃旣接折馘執俘計功

受賞此非仁人之心王者之事故舞干而苗格

者舜也因壘而崇降者文也次于陘而屈完服

者齊桓也會于蕭魚而鄭不叛者晉悼也武子

之能不遷戮而知還也亦庶幾哉

簡王七年晉景十六齊頃十五衛定五蔡景八鄭

五十三宋共五秦桓二

春王正月鼯鼠食郊牛角改卜牛鼯鼠又食其角

乃免牛

禮也。○麗音今。何。麗鼠者鼠中之微者角

生上指逆之象易京房傳曰祭天不慎麗鼠食郊牛角書又食者重錄魯不覺寤重有災也不重言牛獨重言鼠者言角牛可知食牛者未必故鼠故重言鼠

穀梁不言日急辭也

辭中促急不容日

過有司也。郊牛

日展斛角而知傷展道盡矣。其所以備災之道

不盡也。

有司展察牛而即知傷是展察之道盡不能防災禦患致使牛傷故不書日以

顯有司之過斛球球然角貌。○斛音求。

改卜牛。麗鼠又食其角。又

有繼之辭也。

前已食故曰繼。

其緩辭也。曰亡乎人矣。非

人之所能也。所以免有司之過也。

至此復食乃知國無賢君

天災之爾非有司之過也故言其以赦之。乃免牛。乃者亡乎人之辭

也。免牲者為之緇衣纁裳。有司玄端奉送。至于

南郊。免牛亦然。免牲不曰不郊。免牛亦然。

郊者用牲

今言免牲則不郊顯矣若言免牛亦不郊而經復書不郊者蓋為三望起爾言時既不郊而猶

三望明失禮

胡傳穀梁子曰。郊牛日展斛角而知傷。展道盡

矣。其所以備災之道不盡也。改卜牛。麗鼠又食

其角。則亡乎人矣。非人之所能也。所以免有司

之過也。有司免過。即變異也。其應云何。許翰曰。

小害大。下賊上。食而又食。三桓子孫相繼之象也。宣公有虞三桓之志。至成始弗戒矣。理或然也。

吳伐郟

何吳國見者罕與中國交至升平乃見故因始見以漸進○郟音談○吳始見經

左傳春。吳伐郟。郟成。季文子曰。中國不振旅。蠻

夷入伐。而莫之或恤。振整也。旅衆也。無弔者也。夫。言中國不振

能相愍恤故詩曰。不弔昊天。亂靡有定。其此之

謂乎。詩小雅刺在上者不能弔愍下民故有上

不弔。其誰不受亂。上謂吾亡無日矣。君子曰。知

懼如是。斯不亡矣。

胡傳稱國以伐。狄之也。吳本太伯之後。以族屬

言。則周之伯父也。何以狄之。為其僭天子之大

號也。按國語云。命圭有命。固曰吳伯。不曰吳王。

然則吳本伯爵也。後雖益熾。浸與中國會盟。進

而書爵。不過曰子。亦不以本爵與之。故記於禮

書曰。四夷雖大。皆曰子。此春秋之法。仲尼之制

也。而以為不敢擅進退。諸侯亂名實者。誤矣。

左傳附錄鄭子良相成公以如晉。見且拜師。謝前

年晉救鄭之師為楚伐鄭張本。相息亮反見賢遍反。

夏五月曹伯來朝

左傳夏曹宣公來朝

不郊猶三望杜書不郊間有事三望非禮

胡傳吳郡朱長文曰禮天子有四望諸侯則祭

境內山川而已魯當祭泰山泰山魯之境也禮

所得祭故不書三望僭天子之禮是以書之其

說是矣楚子軫言三伐命祀祭不越望而曰江

漢沮漳楚之望非也楚始受封濱江之國漢水

沮漳豈其境內哉此亦據後世并兼封畧言之爾

秋楚公子嬰齊帥師伐鄭公會晉侯齊侯宋公衛

侯曹伯莒子邾子杞伯救鄭八月戊辰同盟于馬

陵杜馬陵衛地陽平元城縣東南有地名馬陵

左傳秋楚子重伐鄭師于汜汜鄭地在襄城諸縣南。汜音凡。

侯救鄭鄭共仲侯羽軍楚師二子鄭大夫囚鄭公鍾

儀獻諸晉八月同盟于馬陵尋蟲牢之盟且莒

服故也蟲牢盟在五年莒本屬齊齊服故莒從之晉人以鍾儀歸囚

七年

諸軍府軍藏府也為九年晉侯見鍾儀張本○藏才浪反

胡傳楚人軍旅數起頻年伐鄭以其背已而從

諸夏也與莊之欲討微舒而入陳亦異矣書大

夫之名氏書帥師書伐而無貶詞者所謂不待

貶絕而罪自見者也晉合八國之君親往救鄭

則攘夷狄安中國之師也欲著其善故特書救

鄭以美之言救則楚罪益明而鄭能背夷即華

善亦著矣前此晉遣上將諸國不與焉此則其

君自行而會合諸國則楚人暴橫憑陵諸夏之

勢益張亦可見矣故盟于馬陵而書同盟者同

病楚也

公至自會

吳入州來杜州來楚邑淮南下蔡縣是也

左傳楚圍宋之役在宣十四年師還子重請取於申

呂以為賞田王許之分申呂之田以自賞申公巫臣曰不

可此申呂所以邑也是以為賦以御北方若取

之是無申呂也言申呂賴此田成邑耳不得此田則無以出兵賦而二邑壤也

御魚晉鄭必至于漢王乃止子重是以怨巫

臣子反欲取夏姬。巫臣止之。遂取以行。子反亦怨之。及共王卽位。楚共王以魯成公元年卽位。子重子反殺

巫臣之族。子闇子蕩及清尹弗忌。皆巫臣之族。及襄

老之子黑要。以夏姬故。非怨黑要。而分其室。子重取子闇

之室。使沈尹與王子罷分子蕩之室。子反取黑

要與清尹之室。巫臣自晉遺二子書。子重子反罷音皮。

曰。爾以讒慝貪怵事君。而多殺不辜。余必使爾

罷於奔命以死。巫臣請使於吳。晉侯許之。吳子

壽夢說之。乃通吳于晉。壽夢季札父。○怵力舍反。夢莫公反。以兩

于齊季文子餞之。餞送行飲酒。○餞錢淺反。祖而舍較飲酒於其側曰餞。

私焉。私與之言。曰。大國制義。以爲盟主。是以諸侯懷

德畏討。無有貳心。謂汶陽之田。敝邑之舊也。而

用師於齊。使歸諸敝邑。用師鞏之戰。今有二命。曰。歸

諸齊。信以行義。義以成命。小國所望而懷也。信

不可知。義無所立。四方諸侯。其誰不解體。言不復肅。

敬於詩曰。女也不爽。士貳其行。士也罔極。二三

其德。爽差也。極中也。詩衛風婦人怨丈夫不一。其行喻魯事晉猶女之事夫不敢過差而

晉有罔極之心。反二。七年之中。一與一奪。二三

春秋左傳卷三十四 七年 成公

孰甚焉。士之二三，猶喪妃耦，而況霸主。霸王將德是以也。以用而二三之，其何以長有諸侯乎？詩曰：猶之未遠，是用大簡。猶圖也。簡，諫也。詩大雅言王者圖事不遠，故用大道。行父懼晉之不遠，猶而失諸侯也。是以敢私言之。

公羊來言者何？內辭也。齊我使我歸之也。以此經加之知見使，即聞晉語。自歸之，但當言歸。曷為使我歸之？據本魯邑。鞏之戰，齊師大敗，齊侯歸，弔死視疾，七年不飲酒，不食肉。晉侯聞之曰：嘻！奈何！使人之君七年不飲

酒，不食肉，請皆反其所取侵地。晉侯聞齊侯悔，故諱不言使。使者因兩為其義，諸侯不得相奪土地。晉適可來議語之，魯宜聞義自歸之，爾不得使也。主書者善晉之義，齊喪息浪反。**穀梁**于齊，緩辭也。不使盡我也。若曰為之請歸，不使晉制命于

我○為于偽反

胡傳汶陽之田，本魯田也。魯人恃大國之威，以兵力脅齊，得其故地，而不正疆理於天王，則取之，不以其道也。卻克戰勝，合於齊曰：反魯衛之侵地，齊既從之。今復有命，俾歸諸齊，則歸之不

以其道也。而齊人貪得晉有二命。穿也。列卿無所諫止。皆罪也。來言者。緩詞也。歸之于者。易詞也。為國以禮者。無憚於強。而魯侯微弱。遂以歸齊而不能保。罪亦見矣。

晉欒書帥師侵蔡

左傳 晉欒書侵蔡。六年未遂。侵楚。獲申驪。申驪楚大夫。馳反。

夫。○驪。反。楚師之還也。謂六年遇。於繞角時。晉侵沈。獲沈子

揖。初從知范韓也。繞角之役。欒書從知莊子范。文子韓獻子之言。不與楚戰。

自是常從其謀。師出有功。故傳善。君子曰。從善之沈國。今汝南平與縣。○揖音集。君子曰。從善

如流。宜哉。宜有功也。詩曰。愷悌君子。遐不作人。

遐遠也。作用也。詩大雅言。文王能遠用善人。不語助。求善也。夫作人斯有

功績矣。是行也。鄭伯將會晉師。會伐蔡之師。門。夫音扶。

于許東門。大獲焉。過許見其無備。因攻之。○過古禾反。

公孫嬰齊如莒

左傳 聲伯如莒。逆也。自為逆婦而書者。因聘而逆。○為于偽反。

宋公使華元來聘

左傳 宋華元來聘。聘共姬也。穆姜之女。成公姊。妹為宋共公夫人。

聘不應使卿。故傳發其事而已。

夏宋公使公孫壽來納幣

杜昏聘不使卿今華元將命故特書之宋公無

主昏者自命之故稱使也公孫壽蕩意諸之父

范婚禮不稱主人朱公無主婚者自命之故稱使納幣不書書者賢伯姬故盡其事

左傳夏宋公使公孫壽來納幣禮也納幣應使卿

公羊納幣不書此何以書拈紀履綸來逆女不書納幣○綸音須

錄伯姬也伯姬守節逮火而死賢故詳錄其禮所以殊於衆女

胡傳納幣不書此何以書公孫壽卿也納幣使

卿非禮也禮不可略亦不可過惟其稱而已矣

略則輕大倫過則溺私愛宋公之請伯姬魯侯

之姪其女皆致其厚者也而不知越禮逾制豈

所以重大婚之禮哉經悉書之為後法也

晉殺其大夫趙同趙括杜傳曰原屏咎之徒也明本不以德義自居宜其見

討故從告辭而稱名

左傳晉趙莊姬為趙嬰之亡故譖之于晉侯趙

亡在五年曰原屏將為亂欒郤為徵欒氏郤氏亦徵其為亂六

月晉討趙同趙括武從姬氏畜于公宮趙武莊

莊姬晉成公女畜養也以其田與祁奚韓厥言於晉侯曰

成季之勲宣孟之忠成季趙衰宣孟趙盾○祁巨之反衰初危反盾徒本

而無後為善者其懼矣。三代之令王皆數百

年保天之祿。夫豈無辟王賴前哲以免也。言三代亦有邪辟之君但賴其先人以免周書曰不敢侮

鰥寡所以明德也。周書康誥言文王不侮鰥寡而德益明欲使晉侯之法文

王乃立武而反其田焉。

胡傳按左氏趙莊姬為趙嬰之亡譖于晉侯曰

原屏將為亂欒卻為徵晉討趙同趙括以其田

與祁奚韓厥言於君曰成季之勲宣孟之忠而

無後為善者懼矣乃立武而反其田然則同括

無罪為莊姬所譖而欒卻害之也故稱國以殺

而不去其官以見晉之失政刑矣

秋七月天子使召伯來賜公命賜公穀作錫杜諸侯即位天子賜以

命圭與之合瑞八年乃來緩也天子天王王者之通稱稱尺證反錫命止此

左傳秋召桓公來賜公命召桓公周卿士

公羊其稱天子何據天王使毛伯來錫元年春

王正月正也正者文不變也其餘皆通矣其餘謂不繫于元年者或

言王或言天王或言天子皆相通矣以見刺譏是非也王者號也德合元者稱皇孔子曰皇象

元道遙術無文字德明謹德合天者稱帝河洛受瑞可放仁義合者稱王符瑞應天下歸往天

成公

子者爵稱也聖人受命皆天所生故謂之天子此錫命稱天子者為王者長愛幼少之義欲進勉幼君當勞來與賢師良傅如父教子不當賜也月者例也為魯喜錄之○勞力報反來力代

穀梁禮有受命無來錫命錫命非正也曰天子何也曰見一稱也天王天子王者之通稱自此以上未有言天子者今言天

子是更見一稱

胡傳諸侯嗣立而入見則有賜已修聘禮而來朝則有賜能敵王所愾而獻功則有賜成公即位服喪已甚而不入見既更五服一朝之歲矣

而不如京師又未嘗敵王所愾而有功也何為來賜命乎召伯者縣內諸侯為王卿士者也來賜公命罪邦君之不王譏天子之僭賞也臨諸侯曰天王君天下曰天子蓋一人之通稱


左傳附錄晉侯使申公巫臣如吳假道于莒與

渠丘公立於池上渠丘公莒子朱也池城池也渠丘邑名莒縣有蘧里○蘧

其君曰城已惡莒子曰辟陋在夷其孰以我為

虞虞度也○對曰夫狡焉狡猾之人○狡交思

啓封疆以利社稷者何國蔑有惟然故多大國



矣唯或思或縱也

世有思開封疆者有縱其暴掠者昔人當唯此為命○掠

音勇夫重閉况國乎

為明年莒潰傳○重直龍反又直勇反

冬十月癸卯杞叔姬卒

杜前五年來歸者女既適人雖見出奔猶以成人禮

書之終為杞伯所葬故稱杞叔姬何棄而日卒者為下脅杞歸其喪張本文使若尚為杞夫人

左傳冬杞叔姬卒來歸自杞故書

歸其見出來歸故書卒也

若更適大夫則不復書卒

晉侯使士燮來聘叔孫僑如會晉士燮齊人邾人

伐邾

杜先謀而稱會盟主之命不同之於列國

左傳晉士燮來聘言伐邾也以其事吳故

七年邾與

吳成公之請緩師文子不可

文子曰君命無貳

失信不立禮無加貨事無二成

公私不兩成君後諸

侯是寡君不得事君也

魯絕燮將復之季孫懼

使宣伯帥師會伐邾

胡傳按左床坐燮來聘言伐邾也以其事吳故

公請緩師不可吳初伐邾季孫固曰中國不振

旅蠻夷入伐而莫之或恤亡無日矣當其時既

不能救及其既成豈獲已也而又率諸國伐之

何義乎前書來聘下書會伐晉侯之為盟主可

見矣。魯既知其不可，從大國之令而不敢違，其不能立，亦可知矣。

衛人來媵

杜古者諸侯取適夫人及左右媵各有一媵皆同姓之國國三人凡九女所以

廣繼嗣也魯將嫁伯姬於宋故衛來媵之媵以證反適丁歷反姪大結反

左傳 衛人來媵共姬。禮也。凡諸侯嫁女，同姓媵

之，異姓則否。

必以同姓者參骨肉至親所以息陰訟

公羊 媵不書，此何以書？

媵者禮君不書媵也言來媵者禮君不求媵諸侯

自媵 錄伯姬也。

伯姬以賢聞諸侯諸侯手欲媵之故善而詳錄之媵例時

穀梁 媵，淺事也，不志，此其志何也？以伯姬之不

得其所，故盡其事也。

不得其所謂災死也江熙曰共公之葬由伯姬則共

公是失德者也傷伯姬賢而嫁不得其所○共音恭

胡傳 媵者何？諸侯有三歸，嫡夫人行，則姪娣從。

二國來媵，亦以姪娣從。凡一娶九女，所以廣繼

嗣。三國來媵，非禮也。夫以禮制欲，則治；以欲敗

禮，則亂。而諸侯一娶十有二女，則是以欲敗禮

矣。備書三國，以明逾制為後戒也。

簡王九年

晉景十八齊頃十七卒衛定七蔡景十四年鄭成三曹宣十三陳成十七杞桓五十

五宋共七秦桓二十

三楚共九吳壽慶四

成公

二十一

春王正月杞伯來逆叔姬之喪以歸

左傳 九年春杞桓公來逆叔姬之喪請之也叔姬

已絕於杞魯復強請杞使還取葬○強其丈反杞叔姬卒為杞故也還

杞婦故卒稱杞○為于偽逆叔姬為我也既棄

反下文及為魯為歸同逆其喪明為魯故○逆叔姬絕句為我也本或無為字

公羊 杞伯曷為來逆叔姬之喪以歸據已內辭

也。脅而歸之也。言以歸者與忿怒執人同辭而不得專其本意知其為脅也已

棄而脅歸其喪悻義恥深惡重故使若杞伯自來逆之

穀梁 傳曰夫無逆出妻之喪而為之也

凡筆於經者皆經邦大訓也杞叔姬一女

子爾而四書于策何也有男女然後有夫婦有

夫婦然後有父子故春秋慎男女之配重大婚

之禮以是為人倫之本也事有大于此者乎男

而賢也得淑女以為配則自家刑國可以移風

俗女而賢也得君子以為歸則承宗廟奉祭祀

能化天下以婦道豈曰小補之哉夷考杞叔姬

之行雖賢不若宋共姬亦不至如鄆季姬之越

禮也杞伯初來朝魯然後出之卒而復逆其喪

以歸者豈非叔姬本不應出故魯人得以義責之使復歸嗟乎魯在春秋時內女之歸不得其所者有矣聖人詳錄其始卒欲為後鑒使得有終而無幣也其經世之慮遠矣

公會晉侯齊侯宋公衛侯鄭伯曹伯莒子杞伯同

盟于蒲杜蒲衛地在長垣縣西南何不日者已得鄭盟當以備楚而不以罪執之旋使離叛

楚緣隙潰莒不能救禍由中國無信故諱為信辭使若莒潰非盟失信所以甚中國因與下潰

日相起

左傳為歸汶陽之田故諸侯貳於晉歸田在晉前年

人懼會於蒲以尋馬陵之盟馬陵在七年季文子謂

范文子曰德則不競尋盟何為競強也范文子曰

勤以撫之寬以待之堅彊以御之明神以要之

柔服而伐貳德之次也是行也將始會吳吳人

不至為十五年會鍾離傳御魚呂反要一遙反

胡傳按左氏為歸汶陽之田故諸侯貳於晉晉

人懼會于蒲以尋馬陵之盟夫盟非固結之本

也衛獻公言于甯喜求復國喜曰必子鮮在不

然必敗小邾射以句繹來奔曰使季路要我吾



無盟。夫信在言前者，不言而自喻，誠在令外者。不令而自行，晉初下令于齊，反魯衛之侵地，而齊不敢違者，以其順也。齊既從之，魯君親往拜其賜矣。復有二命，俾歸諸齊，一與一奪，信不可知。無惑乎諸侯之解體也。晉人不知反求諸已，悼信明義，以補前行之愆，而又欲刑牲歃血，要質鬼神以禦之，是從事于末而不知本矣。特書同盟，以罪晉也。

公至自會

二月伯姬歸于宋

杜宋不使卿逆非禮逆者非卿故不書

左傳 二月伯姬歸于宋

為致女復命起

左傳附錄 楚人以重賂求鄭鄭伯會楚公子處

于鄧

為晉人執鄭伯傳

夏季孫行父如宋致女

杜女嫁三月又使大夫隨加聘問謂之致女所以致

成婦禮篤昏姻之好范致勅戒之言於女

左傳 夏季季文子如宋致女復命公享之賦韓奕

之五章

韓奕詩大雅篇名其五章言蹶父嫁女於韓侯為女相所居莫如韓樂文子俞

魯侯有蹶父之德宋公如韓侯宋土如韓樂有蹶九衛反為于僞反樂音洛

穆姜出

季火五章

卷二十一

成公

三十一

于房再拜曰大夫勤辱不忘先君以及嗣君施

及未亡人穆姜伯姬母聞文子言宋樂喜而出謝其行勞婦人夫死自稱未亡人

重勤又賦綠衣之卒章而入綠衣詩邶風也取其我思古人實獲我心喻文子言得已意

○重直勇反邶音佩

公羊未有言致女者此其言致女何錄伯姬也

古者婦人三月而後廟見稱婦擇日而祭於廟成婦之義也父母使大夫操禮而致之必三月者取一時足以別貞信貞信著然後成婦禮書者與上納幣同義所以彰其潔且為父母安榮之言女者謙不敢自成禮婦人未廟見而死歸葬於女氏之黨○為于偽反

致者不致者也婦人在家制於父既嫁制於夫如宋致女是以我盡之也刺已嫁而猶不以父制盡之不

正故不與內稱也內稱謂稱使逆者微故致女詳其事賢伯姬也

晉人來媵社媵伯姬也

左傳晉人來媵禮也同姓故

公羊媵不書此何以書錄伯姬也義與上同復發傳者樂道

善人之

穀梁媵淺事也不志此其志何也以伯姬之不

善

善

善

得其所故盡其事也

胡傳致女者何。女既嫁。三月而廟見。則成婦矣。

而後父母使人安之。故謂之致也。常事爾。何以

書。致女使卿。非禮也。經有因褒以見貶者。初獻

六羽之類是也。亦有因貶以見褒者。致女來媵

之類是也。伯姬賢行著於家。故致女使卿。特厚

其嫁遣之禮。賢名聞於遠。故諸國爭媵。信其無

妒忌之行。程氏以為一女子之賢。尚聞於諸侯。

況君子哉。或曰。魯女雖賢。豈能聞於遠乎。曰。古

者。庶女與非敵者。則求為媵。固為之擇賢小君。

則諸侯之賢女。自當聞矣。

秋七月丙子。齊侯無野卒。

杜五同盟丙子六月一日書七月從赴

晉人執鄭伯。晉欒書帥師伐鄭。

杜鄭伯既受盟於蒲。又受楚賂會於

鄧。故晉執之。稱人者。晉以無道於民。告諸侯。例在十五年。

左傳秋。鄭伯如晉。晉人討其貳於楚也。執諸銅

鞮。銅鞮。晉別縣。在上黨。鞮。丁。今反。欒書伐鄭。鄭人使伯蠲行

成。晉人殺之。非禮也。兵交。使在其間可也。明殺人

例。古。楚子重侵陳。以救鄭。晉故。

穀梁不言戰以鄭伯也樂書以鄭伯伐鄭君臣無戰道為尊者

諱取不使臣敵君王師敗績于買戎為賢者諱

過為齊桓諱滅項是也為親者諱疾雅曰樂書以鄭伯伐鄭不言戰是也鄭兄

弟之國故謂之親君臣交兵病莫大焉故為之諱

胡傳按左氏楚人以重賂求鄭鄭伯會公子成

于鄧秋鄭伯如晉晉人討其貳於楚執諸銅鞮

樂書伐鄭鄭使伯蠲行成晉人殺之楚子重侵

陳以救鄭稱人而執者既不以王命又不歸諸

京師則非伯討也殺伯蠲不書者既執其君矣

則行人為輕亦不足紀也楚子重侵陳與處父

救江何異削而不書者鄭亦有罪焉耳夫背夷

即華正也今以重賂故又與楚會則是惟利之

從而不要諸義也故鄭無可救之善楚不得有

能救之名

左傳附錄晉侯觀于軍府見鍾儀問之曰南冠

而縶者誰也南冠楚冠縶拘執也有司對曰鄭人所

獻楚囚也使稅之鄭獻鍾儀在七年稅解也召而弔

之再拜稽首問其族對曰泠人也泠人樂官也



公曰能樂乎對曰先父之職官也敢有二事言不

敢學使與之琴操南音南音楚聲操七刀反公曰君王

何如對曰非小人之所得知也固問之對曰其

為天子也師保奉之以朝于嬰齊而夕于側也

嬰齊令尹子重側司馬子反言其尊卿敬老不知其他公語范文子

文子曰楚囚君子也言稱先職不背本也樂操

土風不忘舊也稱天子抑無私也舍其近事而遠稱少小以

示性所自然明至誠語魚據反名其二卿尊君也尊晉君也不背

本仁也不忘舊信也無私忠也尊君敏也敏達也

仁以接事信以守之忠以成之敏以行之事雖

大必濟言有此四德必能成大事君盍歸之使合晉楚之成

公從之重為之禮使歸求成為下十二月晉楚結成張本

冬十有一月葬齊頃公

楚公子嬰齊帥師伐莒庚申莒潰楚人入鄆公作

民逃其上曰潰鄆莒別邑也楚偏師入鄆稱

人何日者錄責中國無信同盟不能相救至為夷狄所潰

左傳冬十一月楚子重自陳伐莒圍渠丘渠丘

城惡衆潰奔莒戊申楚入渠丘月六莒人囚楚

公子平。楚人曰：勿殺吾歸而俘。莒人殺之。楚師

圍莒。莒城亦惡。庚申，莒潰。八月十日楚遂入鄆。莒無

備故也。終巫臣之言君子曰：恃陋而不備，罪之大者

也。備豫不虞，善之大者也。莒恃其陋而不脩城

郭，浹辰之間而楚克其三都，無備也夫。浹，十

○浹，子詩曰：雖有絲麻，無弃菅蒯。雖有姬姜，無

弃蕉萃。凡百君子，莫不代匱。言備之不可以已

也。逸詩也。姬姜，大國之女。蕉萃，陋賤之人。○菅，古類。反。蒯，苦怪。反。蕉，在遙。反。

梁其日。莒雖夷狄，猶中國也。莒雖有夷狄之行，猶是中國。○

行下大夫潰莒而之楚，是以知其上為事也。臣

孟反叛君為事明。君臣無道。惡之。故謹而日之也。潰，例月甚之。故日。○惡，鳥

反路**胡傳**按左氏：楚子重自陳代莒，圍渠丘城，惡衆

潰。楚師圍莒，莒城亦惡。庚申，莒潰。楚遂入鄆。孟

子曰：鑿斯池也。築斯城也。與民守之，效死而民

不去，是則可為也。夫鑿池築城者，為國之備。所

謂事也。效死而民不去，為國之本。所謂政也。莒

恃其陋，不脩城郭。浹辰之間，楚克其三都。信無



備矣。然兵至而民逃其上，不能使民效死而不
去，則昧於為國之本也。雖隆莒之城，何益乎？故
經於莒潰，特書日以謹之者，以明城郭溝池重
門擊析，皆守邦之末務，必以固本安民為政之
急耳。

秦人白狄伐晉

左傳秦人白狄伐晉，諸侯貳故也。

胡傳經所謹者，華夷之辨也。晉嘗與白狄伐秦，
秦亦與白狄伐晉，族類不復分矣。其稱人貳詞

也。武王伐商，誓師牧野，庸蜀羌髡，微盧彭濮，皆
與焉。豈亦不謹乎？除天下之殘賊，而出民於水
火之中，雖蠻夷戎狄，以義驅之，可也。亦慮其同
惡相濟，貽患於後也。中國友邦，自相侵伐，已為
不義，又與非我族類者共焉，不亦甚乎？晉既失
信，復聽婦人讒說，殺其世臣，而諸侯皆貳。秦狄
交伐，比事以觀，可謂深切著明矣。

鄭人圍許

左傳鄭人圍許，示晉不急君也。此秋晉執鄭伯是則公

孫申謀之曰我出師以圍許示不為將改立君

者而紆晉使紆緩也勿亟遣使詣晉示欲更立君○為將竝如字亟紀立反晉

必歸君為明年晉侯歸鄭伯張本

城中城杜魯邑也在東海廩丘縣西南此閏月城在十一月之後十二月之前故傳曰書時

左傳城中城書時也

穀梁城中城者非外民也譏公不務德政恃城以自固不德能衛其

人

胡傳經世安民視道之得失不倚城郭溝池以

為固也穀梁子謂凡城之誌皆譏其說是矣莒

雖恃陋不設備至使楚人入鄆苟有令政使民

效死而不潰寇亦豈能入也城非春秋所貴而

書城中城其為儆守益微矣王公設險以守其

國非歟曰百雉之城七里之郭設險之大端也

謹於禮以為國辨尊卑分貴賤別等威異物采

凡所以杜絕陵僭限隔上下者乃體險之大用

也獨城郭溝池之足恃乎

左傳附錄十二月楚子使公子辰如晉報鍾儀

之使請脩好結成鍾儀奉晉命歸故楚報之



簡王十年晉景十九卒齊靈公環元年衛定八年蔡

桓五十六宋共八秦桓二杞

左傳附錄十年春晉侯使糴莩如楚糴莩晉大夫

弔反莩扶廢反報大宰子商之使也子商楚公子辰使在前年

春衛侯之弟黑背帥師侵鄭

左傳衛子叔黑背侵鄭晉命也晉命衛使侵鄭

胡傳按左氏衛子叔黑背侵鄭晉命也其曰衛

侯之弟者子叔黑背生公孫剽孫林父甯殖出

衛侯衛而立剽亦以父有寵愛之私故得立耳

此與齊之夷仲年無異其特書弟以為後戒可

謂深切著明矣殖市力反

夏四月五卜郊不從乃不郊杜十常祀不郊皆非禮故書

公羊其言乃不郊何括上不郊不言乃僖不免

牲故言乃不郊也不免牲當坐盜天牲失事天

穀梁夏四月不時也郊時極五卜強也乃者亡

乎人之辭也強其

五月公會晉侯齊侯宋公衛侯曹伯伐鄭杜晉侯

蒲也稱爵見其生代父居位失人子之禮○見賢遍反何不致者成公數卜郊不從怨懟故不

免牲不但免牲而已故奪臣子辭以起之○數所角反對直類反

左傳鄭公子班聞叔申之謀之謀改立君三月子如

立公子縵子如公子班縵音須夏四月鄭人殺縵立髡

頑子如奔許髡頑鄭成公大欒武子曰鄭人立

君我執一人焉何益不如伐鄭而歸其君以求

成焉晉侯有疾五月晉立太子州蒲以為君而

會諸侯伐鄭生立子為君此父不父子鄭子罕

賂以襄鐘子罕穆公之廟鐘子然盟于脩澤子

駟為質子然子駟皆穆公子熒陽卷縣辛巳鄭

伯歸鄭伯歸不書鄭不告入

齊人來媵杜媵伯姬也異姓來媵非禮也

公羊媵不書此何以書錄伯姬也三國來媵非

禮也曷為皆以錄伯姬之辭言之婦人以衆多

為侈也侈大也朝廷侈於妬上婦人侈於妬下伯姬以至賢為三國所爭媵故侈大其

能容之唯天子取十

丙午晉侯孺卒杜六同盟據傳丙午六月七日有日無月○孺乃侯反何不書葬者

殺大夫趙同等

左傳晉侯夢大厲被髮及地搏膺而踊曰殺余

孫不義

厲鬼也趙氏之先祖也八年晉侯殺趙同趙括故怒○被皮寄反

余得

請於帝矣壞大門及寢門而入公懼入于室又

壞戶公覺召桑田巫

桑田晉邑○壞音怪覺古孝反

巫言如夢

巫云鬼怒如公所夢

公曰何如曰不食新矣

言公不得及食新麥

公

疾病求醫于秦秦伯使醫緩為之

緩醫名為猶治也

未

至公夢疾為二豎子曰彼良醫也懼傷我焉逃

之其一曰居盲之上膏之下若我何

盲隔也心下為膏○

焉於虔反音荒心下隔上也

醫至曰疾不可為也在盲之上

膏之下攻之不可達之不及藥不至焉不可為

也

達針

公曰良醫也厚為之禮而歸之六月丙午

晉侯欲麥

周六月今四月麥始熟

使甸人獻麥

甸人主為公田者○

甸徒練反

饋人為之召桑田巫示而殺之將食張如

廁陷而卒

張腹滿也○饋其媿反張中亮反

小臣有晨夢負公

以登天及日中負晉侯出諸廁遂以為殉

傳言巫以

明術見殺小臣以言夢自殉

左傳附錄

鄭伯討立君者戊申殺叔申叔禽

叔禽

叔申弟

君子曰忠為令德非其人猶不可況不令

乎

言叔申為忠不得其人還害身

秋七月公如晉

何如晉者冬也云冬者惡成公前既怨懟不免牲今復如晉過郊乃

反遂怨懟無事天之意當絕之

左傳秋公如晉親弔非禮晉人止公使送葬於是糴

棧未反是春晉使糴棧至楚結成晉謂魯貳於楚故留公須糴棧還驗其虛實冬

葬晉景公公送葬諸侯莫在魯人辱之故不書

諱之也諱不書晉葬也

胡傳此葬晉侯也而不書諱之也天子之喪動

天下屬諸侯諸侯之喪動通國屬大夫公之葬

晉侯非禮也雖天子之事焉可也傳以晉人止

公送葬諸侯莫在焉魯人辱之故諱而不書非

矣假令諸侯皆在魯人不以為辱而可書乎

冬十月公無此三字

簡王十有一年晉厲公州蒲元年齊靈二衛定九年蔡景十二鄭成五曹宣十五陳成

十九杞桓五十七宋共九秦桓二十五楚共十一吳壽夢六

春王三月公至自晉杜正月公在晉不書諱見止

左傳十一年春王三月公至自晉晉人以公為

貳於楚故止公公請受盟而後使歸前年七月公如晉弔

至是乃得歸

晉侯使郤犇來聘已丑及郤犇盟犇公作州後同杜郤犇郤克從

父兄弟○ 犇尺由反

左傳 郤犇來聘且涖盟公請受盟故使大夫來臨之 聲伯之

母不聘聘無媒禮○ 聲伯之母叔肸之妻不肸許乙反 穆姜曰吾不以

妾為姒昆弟之妻相謂為姒穆姜宣公夫人宣公叔肸同母昆弟 生聲伯而

出之嫁於齊管于奚生二子而寡以歸聲伯聲

伯以其外弟為大夫外弟管于奚之子為魯大夫 而嫁其外

妹於施孝叔孝叔魯惠公五世孫 郤犇來聘求婦於聲伯

聲伯奪施氏婦以與之婦人曰鳥獸猶不失儷

儷耦也○ 儷力計反 子將若何曰吾不能死亡言不與郤犇婦懼能

忿致禍 婦人遂行生二子於郤氏郤氏亡晉人歸

之施氏施氏逆諸河沈其二子沈之於河○ 沈直蔭反 婦

人怒曰已不能庇其伉儷而亡之伉敵也○ 已音以伉古浪

反又不能字人之孤而殺之字愛也 將何以終遂

誓施氏約誓不復為之婦也傳言郤犇淫縱所以亡也

夏季孫行父如晉

左傳 夏季文子如晉報聘且涖盟也郤犇文子交盟魯晉

之君其意一也故但書來盟舉重略輕



左傳附錄 周公楚惡惠襄之偏也。惠王襄王之族。○惡鳥路。

反且與伯與爭政。伯與周卿士。○與音餘。不勝怒而出及

陽樊。陽樊晉地。王使劉子復之盟于鄆而入三日復

出奔晉。王既復之而復出所以自絕於周為明年周公出奔傳鄆周邑。○鄆音絹。

秋叔孫僑如如齊。○僑其驕反。

左傳 秋宣伯聘于齊以脩前好。鞏以前之好。

冬十月 左傳附錄 晉郤至與周爭鄆田。鄆溫別邑今河內懷縣西南有。

王命劉康公單襄公訟諸晉。郤至曰

溫吾故也故不敢失。言溫郤氏舊邑。○單音善。劉子單子曰

昔周克商使諸侯撫封。各撫有其地。蘇忿生以溫

為司寇與檀伯達封于河。蘇忿生周武王司寇也與檀伯達俱

封於蘇氏即狄又不能於狄而奔衛。事在僖十年襄

王勞文公而賜之溫。在僖二十五年狐氏陽氏

先處之。狐溱陽處父先食。○勞力報反。而後及子若治其故

則王官之邑也。子安得之。晉侯使郤至勿敢爭。

傳言郤至貪所以亡。○宋華元善於令尹子重。又善於欒

武子。聞楚人既許晉糴棧成而使歸復命矣。在往

年○華冬華元如楚遂如晉合晉楚之成為明年盟

宋西門外張本○秦晉為成將會于令狐晉侯先至焉

秦伯不肯涉河次于王城使史顛盟晉侯于河

東史顛秦大夫晉卻犇盟秦伯于河西就盟王城范

文子曰是盟也何益齊盟所以質信也齊一質成也

會所信之始也始之不從其可質乎秦伯歸而

背晉成為十三年代秦傳○背音佩卷內皆同

簡王十有二年晉厲二齊靈三衛定十蔡景十三鄭成六曹宣十六陳成二十杞桓

五十八宋共十秦桓二十六楚共十二吳壽夢七

春周公出奔晉

左傳十二年春王使以周公之難來告周公奔在前年

書曰周公出奔晉凡自周無出周公自出故也

天子無外故奔者不言出周公為王所復而自絕於周故書出以非之

公羊周公者何天子之三公也王者無外此其

言出何自其私土而出也私土者謂其國也此起諸侯入為天子三

公也周公驕蹇不事天子出居私土不聽京師之政天子召之而出走明當并絕其國故以出

國錄也不月者小國也

穀梁周有入無出鄭嗣曰王者無外故無出也宗廟宮室有定所或即位失

其常處反常書入內宗廟也昭

其曰出上下

見之也

鄭嗣曰上謂僖二十四年天王出居于鄭下謂今周公出奔上下皆一見之

言其上下之道無以存也。上雖失之。下孰敢有

之。今上下皆失之矣。

上雖有不君之失。臣下莫敢效不臣之過。今復云周

公之出則上下皆有失矣。君而不君。臣而不臣。是無以存乎世。言周之所以衰

胡傳按左氏。周公楚惡。惠襄之偏。且與伯輿爭

政。不勝。怒而出。王使劉子復之。盟于鄆而入。三

日。復出奔晉。夫人主無誠慤之心。而下要大臣

盟。是謂君不君。人臣無忠信之實。而上與人主

盟。是謂臣不臣。既已要質鬼神以入矣。又叛盟

失信而出奔。則是自絕於天也。自周無出而書

曰出者。見周室衰微。刑政號令不行於天下。爾

夏公會晉侯衛侯于瑣澤

公作沙澤。瑣澤地闕。

左傳宋華元克合晉楚之成

終前年事夏五月。晉士

變會楚公子罷許偃。

二子楚大夫。罷音皮。

癸亥。盟于宋

西門之外。曰。凡晉楚無相加戎。好惡同之。同恤

菑危。備救凶患。若有害楚。則晉伐之。在晉楚亦

如之。交贄往來。道路無壅。

贄幣也。好惡謀其。並如字。菑音災。

不協而討不庭

討背叛不來在王庭者

有渝此盟明神殛

之

殛誅也

俾隊其師無克胙國

俾使也隊失也○隊直類反胙才故

鄭伯如晉聽成

聽猶受也晉楚既成鄭往受命

會于瑣澤成

故也

晉既與楚成合諸侯以申成好

秋晉人敗狄于交剛

杜交剛地關

左傳狄人閒宋之盟以侵晉而不設備

閒宋閒廁之

秋晉人敗狄于交剛

穀梁中國與夷狄不言戰皆曰敗之

不使夷狄敵中國

夷狄不日

冬十月

左傳附錄晉郤至如楚聘且涖盟楚子享之子

反相為地室而縣焉

縣鐘鼓也○相息亮反縣音玄

郤至將登

金奏作於下

擊鐘而奏樂

驚而走出子反曰日云

莫矣寡君須矣吾子其入也賓曰君不忘先君

之好施及下臣貺之以大禮重之以備樂

貺賜也○

莫音暮施以鼓反

如天之福兩君相見何以代此下臣

不敢

言此兩君相見之禮

子反曰如天之福兩君相見無

亦唯是一矢以相加遺焉用樂

言兩君戰乃相見無用此樂○

遺唯季反寡君須矣吾子其入也賓曰傳諸交

主辭者多曰若讓之以一矢禍之大者其何福

之為世之治也諸侯閒於天子之事則相朝也

王事閒缺則脩於是乎有享宴之禮享以訓共

儉享有體薦設几而不倚爵盈而宴以示慈惠

相與共食共儉以行禮而慈惠以布政政以禮

成民是以息百官承事朝而不夕不夕言無事

此公侯之所以扞城其民也扞蔽也言享宴結

其民扞故詩云赳赳武夫公侯干城詩周南

夫止于扞難而已干戶且反及其亂也諸侯

貪冒侵欲不思爭尋常以盡其民八尺曰尋倍

爪牙略取也言世亂則公侯制禦武夫以從故

詩曰赳赳武夫公侯腹心舉詩之正以駁亂義

合德公侯外為扞天下有道則公侯能為民干

城而制其腹心亂則反之略其武夫以為已腹

反今吾子之言亂之道也不可以為法然吾子

主也至敢不從遂入卒事歸以語范文子文子

曰無禮必食言吾死無日矣夫

言晉楚不能久和必復相伐為

十六年鄆陵戰張本。語魚據反鄆謁晚反。

冬楚公子罷如晉聘且

涖盟報郤十二月晉侯及楚公子罷盟于赤棘

地晉

簡王十有三年

晉厲三齊靈四衛定十一蔡景十

八年一杞桓五十九宋共十一秦桓

春晉侯使郤錡來乞師

杜將伐秦也侯伯當召兵而乞師謙辭。錡魚錡反

左傳十三年春晉侯使郤錡來乞師將事不敬

將事致孟獻子曰郤氏其亡乎禮身之幹也敬

身之基也。郤子無基且先君之嗣卿也受命以

求師將社稷是衛而惰弃君命也不亡何為郤錡

郤克子故曰嗣卿為十七年晉殺郤錡傳

穀梁乞重辭也古之人重師故以乞言之也

胡傳晉主夏盟行使諸侯徵會討貳誰敢不從

以霸王之尊而書曰乞師何也列國疏封雖有

大小土地甲兵受之天子不相統屬魯兵非晉

所得專也今晉不以王命與諸侯之師故特書

曰乞以見其卑伏屈損無自反而縮之意矣聖

人作春秋無不重內而輕外。至於乞師則內外同辭者蓋皆有報怨復讐貪得之心。是以如此若夫誅亂臣討賊子請於天王以大義驅之誰不拱手以聽命。何至於乞哉噫此聖人所以垂戒後世見諸行事之深切著明者也。

三月公如京師

杜伐秦道過京師因朝王何月者善公尊天子

穀梁公如京師不月月非如也

時實會晉伐秦過京師也公行

出竟有危則月朝聘京師理無危懼故不月。過音戈下同竟音境

非如而曰如

不叛京師也

因其過朝故正其文若使本自往

夏五月公自京師遂會晉侯齊侯宋公衛侯鄭伯曹伯邾人滕人伐秦

左傳三月公如京師宣伯欲賜

欲王請先使王

以行人之禮禮焉

不加厚。使所吏反

孟獻子從王以為

介而重賄之

介輔相威儀者獻子相公以禮故王重賜之。從才用反

公及

諸侯朝王遂從劉康公成肅公會晉侯伐秦

劉康

公王季子劉成二公不書兵不加秦

成子受賑于社不敬

賑宜社

盛以賑器故曰賑宜出兵祭社之名。賑市軫反盛音成劉子曰吾聞之民

受天地之中以生所謂命也是以有動作禮義

威儀之則以定命也能者養之以福養威儀以致福不

能者敗以取禍是故君子勤禮小人盡力勤禮

莫如致敬盡力莫如敦篤敬在養神篤在守業

國之大事在祀與戎祀有執膳膳祭肉也。戎有

受脤神之交神之大節也。今成子惰弃其命矣

情則失中和之氣其不反乎。為成肅公卒于瑕張本夏四月戊午

晉侯使呂相絕秦呂相魏錡子蓋口宣曰昔逮

我獻公及穆公晉獻公秦穆公相好戮力同心申

之以盟誓重之以昏姻穆公大人獻公之女天

禍晉國文公如齊惠公如秦辟驪姬也不言依

辟音無祿獻公即世穆公不忘舊德俾我惠公

用能奉祀于晉僖十年秦納惠公又不能成大勲而為

韓之師僖十五年秦伐晉獲惠公亦悔于厥心用集我文公

集成也是穆之成也成功于晉文公躬擐甲胃跋履山

川草行為跋音患跋蒲禾反踰越險阻征東之諸侯虞夏

商周之胤而朝諸秦則亦既報舊德矣鄭人怒

君之疆場我文公帥諸侯及秦圍鄭晉自以鄭貳於楚故

圍之鄭非侵秦也晉以此誣秦事在僖三十年○場音亦秦大夫不詢于我



寡君擅及鄭盟。詢謀也。盟者秦伯謙言大夫。諸侯疾之。將致

命于秦。致死命而討秦時無諸侯蓋諸侯遙致此意。文公恐懼。綏靜

諸侯。秦師克還無害。則是我有大造于西也。也言晉有成功於秦。

我君寡我襄公。也。寡弱也。迭我殺地。好絕我好。伐我

保城。殄滅我費滑。伐保城。誣之費滑。滑國都於費。今緄氏縣。迭直結反費。

散離我兄弟。撓亂我同盟。撓。晉同姓古侯反。

傾覆我國家。我襄公未忘君之舊勲。納文公之勲。

而懼社稷之隕。是以有殺之師。在僖三十三年。猶願赦

罪于穆公。晉欲求解於秦。穆公弗聽。而即楚謀我。天誘

其衷。成王隕命。秦使闕克歸楚求成事。見文十四年。文元年楚弑成王。見賢

穆公是以不克逞志于我。逞。快也。穆襄即世。康

靈即位。文六年。晉襄秦穆皆卒。康公我之自出。晉外甥。又欲

闕翦我公室。傾覆我社稷。帥我蝥賊。以來蕩搖

我邊疆。蝥。賊食禾稼蟲。各謂秦納公子雍。闕其月反。又如字。蝥莫侯反。我是

以有令狐之役。在文七年。康猶不悛。入我河曲。悛。眇也。

伐我涑川。俘我王官。涑水出河東聞喜縣西南至蒲坂縣入河。

剪我羈馬。我是以有河曲之戰。在文十二年。

年東道之不通。則是康公絕我好也。言康公自絕故不復

東通及君之嗣也。君秦桓公我君景公引領西望曰

庶撫我乎。望秦撫恤晉君亦不惠稱盟。不肯稱晉望而共盟稱

尺證利吾有狄難。謂晉滅路氏時入我河縣。焚

我箕郤。芟夷我農功。夷傷也。郤古報反虔劉我邊垂。虔劉

皆殺也我是以有輔氏之聚。聚衆也。宣十五年君亦悔禍

之延。延長也而欲徼福于先君獻穆。晉獻秦穆使伯車

來命我景公。伯車秦桓公子曰吾與女同好弃惡。復脩

舊德。以追念前勲。言誓未就。景公即世。我寡君

是以有令狐之會。令狐會在十一年申厲公之命。宜言寡人稱君。誤也。復

音服君又不祥。祥善也背弃盟誓。白狄及君同州。與

也。君之仇讐。而我昏姻也。季隗。唐咎如赤狄之女也。白狄伐而獲之。

納諸文公。隗五罪反。唐在良反。咎音羔。君來賜命。曰吾與女伐狄

寡君不敢顧昏姻。畏君之威。而受命于吏。君有

二心。於狄曰。晉將伐女。狄應且憎。是用告我。言狄

雖應答秦而心實憎秦無信楚人惡君之二三其德也。亦來

告我。曰秦背令狐之盟。而來求盟于我。昭告昊

天上帝。秦三公。楚三王。三公穆康共三王成穆莊。昊戶老反。共音恭。



曰余雖與晉出入

出入猶往來

余唯利是視不穀惡

其無成德是用宣之以懲不壹諸侯備聞此言

斯是用痛心疾首暱就寡人

疾亦痛也暱親也○暱女乙反寡

人帥以聽命唯好是求君若惠顧諸侯矜哀寡

人而賜之盟則寡人之願也其承寧諸侯以退

承君之意以寧靜諸侯

豈敢微亂

微要也君若不施大惠寡

人不佞其不能以諸侯退矣敢盡布之執事俾

執事實圖利之

俾使也

秦桓公既與晉厲公為令

狐之盟而又召狄與楚欲道以伐晉諸侯是以

睦於晉

晉辭多誣秦故傳據此三事以正秦罪

晉欒書將中軍荀

庚佐之

庚代荀首

士燮將上軍

代荀庚

郤錡佐之代士燮

韓厥將下軍

代郤錡

荀罃佐之

伐趙同

趙旃將新軍

代韓厥旃之然反

郤至佐之

代趙括

郤毅御戎欒鍼為右

郤毅郤至弟欒鍼欒書子○一其廉反

孟獻子曰晉帥乘和師必

有大功

帥軍帥乘車士○帥所類反乘繩證反

五月丁亥晉師以

諸侯之師及秦師戰于麻隧秦師敗績獲秦成

差及不更女父

不更秦爵戰敗績不書以為晉直秦曲則韓役書戰時公在師

復不須告克獲有功亦無所諱蓋經文闕漏傳文獨存○差初佳反更音庚女音汝復扶又反

曹宣公卒于師。師遂濟涇。及侯麗而還。涇水出安定東

南經扶風京兆高陸縣入渭也。麗刀馳反。迂晉侯于新楚。迂迎也。既戰晉

侯止新楚故師還過迎之。成肅公卒于瑕。終劉子之

言瑕晉地。

國語簡王八年魯成公來朝。成公將與周朝使叔

孫僑如先聘且告。使僑如先修聘禮且見王孫

說與之語。說古悅字說周大夫也。說言於王曰魯叔孫之

來也。必有異焉。其享覲之幣薄而言諂。殆請之

也。若請之必欲賜也。魯執政唯疆故不歡焉。而

後遣之。魯執政之人唯畏其強禦難且其狀方

上而銳下。宜觸冒人。王其勿賜。若貪陵之人來

而盈其願是不賞善也。且財不給。給供也。故聖人

之施舍也。議之。施予也舍不予也。其喜怒取予也亦議

之。是以不主寬惠。亦不主猛毅。主德義而已。賞得

其人罰當其罪。王曰諾。使私問諸魯。請之也。王遂不賜。

禮如行人。如使人之禮無加賜。及魯侯至。仲孫蔑為介。在賓

為介所禮。王孫說與之語。說讓。言讓說以語王。王

厚賄之。



公羊其言自京師何。據僖公二十八年諸侯公

鑿行也。以起公鑿行也公鑿行奈何不敢過天

子也。時本欲直伐秦塗過京師不敢過天子而

不朝復生事修朝禮而後行故起時善而

褒成其意使若故朝然後生事也間無

事復出公者善公鑿行○復出扶又反

穀梁言受命不敢叛周也。使若既朝王而王命

已使伐秦叛周謂專

伐征

胡傳諸侯每歲侵伐四出未有能修朝覲之禮

者今公欲會伐秦道自王都不可越天子而往

也故皆朝王而不能成朝禮書曰如京師見諸

侯之慢也因會伐而行矣又書公自京師以伐

秦為遂事者此仲尼親筆明朝王為重存人臣

之禮也古者諸侯即位喪服畢則朝小聘大聘

終則朝巡狩于方嶽則朝觀春秋所載天王遣

使者屢矣十二公之述職蓋闕如也獨此年書

公如京師又不能成朝禮不敬莫大焉君臣人

道之大倫而至於此極故仲尼嘗喟然歎曰夷

狄之有君不如諸夏之亡也為此懼作春秋或

抑或縱或予或奪所以明君臣之義者至矣其

義得行則臣必敬於君。子必敬於父。天理必存。人欲必消。大倫必正。豈曰小補之哉。此以伐秦為遂事之意也。

左傳附錄 六月丁卯夜，鄭公子班自訾求入。

大宮不能殺子印子羽。訾鄭地大宮鄭祖廟也。班出奔許今欲還。

亂子印子羽皆穆公子。亦作般訾子斯反。大音泰。反軍于市。巳巳于

駟帥國人盟于大宮。子駟穆遂從而盡焚之。焚

也。殺子如子駝孫叔孫知。子如公子班子駝班弟孫叔子如子孫知。

子駝子武邦反。

曹伯廬卒于師。左作盧。杜五同盟。盧如字亦作盧。

左傳 曹人使公子負芻守。使公子欣時逆曹伯

之喪。二子皆曹宣公庶子。芻初俱反。秋，負芻殺其大子而自

立也。宣公諸侯乃請討之。晉人以其役之勞，請

俟他年。

穀梁傳 曰：閔之也。公大夫在師，曰：師在會，曰會。

秋七月，公至自伐秦。何月者危公。初而遠用兵。

冬，葬曹宣公。

左傳 冬，葬曹宣公。既葬，子臧將亡。子臧公國人。子欣時。

皆將從之不義負芻故成公乃懼成公負芻告罪且請焉

請留子臧乃反而致其邑還邑於成公為十五年執曹伯傳

梁葬時正也

梁也乎

立也大子宣公請殺次請信之晉人以其好之幾請

之喪子臧為所助又林負罽繇其大子而自

至曹人對公于負罽宋對公于州制曹師

曹師對宋于州曹師對宋于州

